

# 聖教雜誌

REVUE CATHOLIQUE

期九第 N°230 卷八十第

## 目 要



保祿宗徒傳教法 編者

保祿宗徒之婦女觀 徐宗澤

天主教完全適應人之需要 張警鐸

母教篇 來稿

寵愛論 徐宗澤

歐美小說作家評論：安徒生 莫泊桑

論小說和電影 品譯

新時代評論：婦女勞工問題 廢除家庭

的安談

教中新聞

當今教宗第一次出宮記 羅瑪傳信部發表新教區六處

河北靈縣教區改為安國宗座代牧區 四川靖遠碑略歷

四川彭縣白鹿寺修院舉行聖誕慶 江西餘州祝聖

徐主教蒞臨 江西景德鎮天主堂 江西和主教

各屬付聖振 贛南教務將撥起編改良教職會 陝西高陵

通遠方恭送耶穌聖心略誌 宜昌文都修院迎華籍司鐸

並文委會第一次開幕之經過 宜昌文都修院表賀教宗北

於十一日晉謁五旬金殿 武昌總堂恭迎聖體紀 甯波草

路初次恭迎聖體略誌 蕪山聖聖聖 台州海門教友

歡心三位恭迎聖體略誌 江蘇海門主教公署行落成禮

宜昌聖母堂百歲老人 兩湖總修院復成立於漢口之經

過 漢口兩湖總修院慶祝希主教瞻禮略誌

中外大事表

宜昌益世小學校第三屆成績展覽會誌盛 海門大洪鎮聖

母堂海星女校添設範師科概況

行發社誌雜教聖

月九年八十國民

滙家徐海上設開館本

類紙聞新為認號掛政郵華中

## ◎本社啟事

諸君：

對於現代思潮欲知所適從者，

於新問題欲得正確觀念者，

欲求哲學新知識者，

欲究天主教道理者，

欲交換學術意見者，

請即日訂閱

## 聖教雜誌

價目

月出一期，每科大洋八分，全年八角，郵費國內一角二分，國外四角八分，訂閱五份以上九折，十份八五折，二十分八折。

內容

有插圖，社論，論說，傳記，研究，說林，雜著，教中新聞，教育消息，時事記述等十數種。

熱心推廣本社工作之閱報諸君，在最近數月中，編者見訂閱本誌者之加增，欣慰之下，誠懇的感謝諸君宣傳之效力。望諸

君在親友中再多為介紹，不勝欣盼之至。

### ●公民課本再版

這本書已為教育界相熟的刊物，無須介紹了。惟再版時，本社又加上政黨一節和三民主義的附編。現在三民主義是部定的科目，學校當教授的。但是孫總理的三民主義，解釋者不一其說，最易受人誤會，故學校中所用的教科書，須要謹慎，而吾聖教會學校，更當留心。本社所加的附編，以寬大的精神，正確的觀念，概論三民，而又不失孫總理的真旨，此其長也。書已出版，用上等道林紙印成，共二百三十二頁，欲購者從速。實價式角五分郵外加。

### ●探原課本再版出售


這本書現經許多學校採用為教科書。上

陸公徵祥棄俗精修時呈獻於教宗之生平

所得勳章及其夫人培德女士之龍臘臺



HOMMAGE RECONNAISSANT



LEONARDI  
LONDON  
LONDON  
LONDON

  
 Au Révérend Père  
 de l'Ordre des Bénédictins  
 Abbaye de Saint-Hubert  
 Bruges

Bruxelles, le 16 octobre 1937  
  
 Excellence et Révérend Père  
 C'est avec émotion que j'ai lu le  
 touchant hommage que vous rendez  
 à la mémoire de la reine défunte  
 dans un ouvrage sans lequel  
 je n'aurais pu me rendre au moment de  
 votre entrée dans l'Ordre illustre  
 de Saint-Hubert

J'apprécie beaucoup la preuve de  
 confiance que vous me donnez en me  
 faisant part des sentiments et idées  
 qui ont contribué à votre œuvre  
 — 12 —  
 Le souvenir de la mission diplomatique  
 que vous avez remplie, en 1914, auprès  
 de mon Gouvernement, m'est resté  
 présent ainsi que votre sympathie  
 à l'égard de la Belgique  
 Je continue ardemment au service de  
 Notre Seigneur empereur, à ceux qui  
 ont touché de la Grâce, la paix  
 de l'âme qui est le bonheur suprême et la  
 loi du monde et de la vie  
 mon Révérend Père, je tiens à vous  
 adresser de ma plus profonde estime  
 Albert

比王親筆賀陸公徵祥超然精修

# 論說



## ●保祿宗徒傳教法

編者

保祿初為基利斯當之仇敵，一旦歸化，遂成爲外教邦之大宗徒。其傳教法，務合人之心理，隨人隨時，隨地而順人，故所得效驗，有獨到之處。始在如德亞國傳教，與後在外教邦傳教，不同；在未得信光人中傳教，與在新皈依基多中，又不同。保祿曰：「我爲眾人做事，令眾人歸向基多。」其傳教法，斯言盡之矣。

試舉一二具體事，以証之：亞典者，風俗侈靡，人情秀雅，文化發達之邦也；惟崇尚迷信，妄知真主。保祿始踐其地，見一祭壇，書

曰：「敬未識之神。」保祿利用斯事，立學翰院中宣講，首讚該城人士富於宗教思想，繼告以「未識之神」，即造天地神人萬物之天主，侃侃而談，不憚威勢。聞者中，有譏議者，有樂聆者，甚至有擁護保祿而信從之者。夫欲以耶穌救贖之道，灌諸外教人之心，而得此效果，苟非保祿善用其方，安能致此哉？

再舉一譬：格林多新教友中，有婦人不戴帽，在堂中集會，祈禱，說傾言者。保祿深滋不悅，欲革其弊。格林多人好辯易感，難受訓斥。保祿乃先之以嘉獎，繼之以勸勉，終言陋習之當改。於是人心悅服，而受教矣。此等待人之法，誠爲吾儕所當則效。保祿者，傳教士之模範哉？

論說

保祿宗徒傳教法

三百三十七

1

保祿宗徒之婦女觀

徐宗澤

●婚姻問題 守貞問題 再嫁問題

●婦女在社會上之地位 夫婦彼此之關係

我在某雜誌上，見有一篇論婦女問題的言論說道：「使基督教得有今日一般偉大成績的使徒保祿的婦女觀，則尤其惡劣。」他說：「男子最好不與女子接觸。然為避免淫亂起見，應人各有其妻，女各有其夫。」基督教是教會的頭腦，夫是妻的頭腦。『人類的頭腦是基督，女子的頭腦是男子。』作者乃加以結論云：基督教

的婦女觀，陷於男尊女卑的惡習。我念完了這段言論，就想以保祿宗徒論婦女的問題，加以研究，俾外人對於保祿

的婦女觀，得有正確的觀念。保祿之討論婦女問題也，因當時格林多新教友，以為人領洗後，即當潔身事主，夫婦之事，亦不可行；有人寫信問保祿究竟當如何保祿乘此機會，於是談論婦女問題。

今為清楚起見，我分為三問題：一婚姻問題；二守貞問題；三再嫁問題。保祿對此三問題，可以三意括之：夫婦之名分，當然可享，但能節慾是更好；婚姻是好的，但守貞為尤美；再嫁是許可的，但能守節為上乘。

一婚姻問題 新·皈依耶穌基督教之格林多教友，對於男女婚姻問題，興起良心上不安的事件，不知怎樣做法。保祿宗徒因寫信去指導他們；格林多第一書，第七

章都是保祿論男女的倫理問題，他說：

「至論爾所書於我之事，我以為男不近女為善。但為免邪淫，男當各有其妻，女當各有其夫。男還債於妻，夫婦之本分；妻對夫亦然。妻不得自主其身，乃夫主之；夫亦不得自主其身，乃妻主之。夫婦之事，彼此不可推委；惟彼此出以同意，暫時分居，專務祈禱則可。以後仍當如前，庶免撒彈魔鬼藉爾曹不能制慾而誘惑之也。然我此言，是一許可，而非命令，因我願眾人悉如我然，潔身不娶。但各人從天主之特恩，一如此，一如彼焉。我語未婚者及嫠婦曰：恒如我則善，若不能自禁，嫁娶可也，蓋嫁娶愈於慾熾也。」第一章至第九節

語，而保祿之意亦明白宣示：男娶女嫁，是按理的；男女結婚後，彼此之權利義務，是平等的，是一律的。守貞勝於婚嫁。但保祿又具體的指導格林多人曰：與其為慾情所熾，不如婚娶之為愈。保祿對於夫婦之本分，以十分可懂之語說出之，務使人人明白，不存絲毫之疑慮。夫婦盡己本分，不特是按理的，且亦關於公義者也。夫之身，婦主之；婦之身，夫主之；夫婦一體，為人倫之大本。

雖然夫婦節慾，亦是事之美者，惟當有其條件，保祿示之以三一，出於同意的；二，為神益起見；三，惟暫時的。過此時期，夫婦又當盡己本分，俾不陷於魔鬼之誘惑而犯姦淫。故祇為制慾起見，夫婦之事，亦深合

論說 保祿宗徒之婦女觀

於理。但保祿即加一句曰：此非命令，祇是可為之事。

婚姻既為人生當然之事，是何等尊嚴的，故離婚是不許可的。保祿云：

「其已婚者，我命若輩，其實非我命，乃主命，妻不可離夫，苟離焉，不能改嫁，或同夫言歸於好，夫亦不能離妻。」第十節

保祿明言離婚是禁止的，此是主命，彼不過將主命重伸之耳。耶穌在瑪竇經第五

三十一節以下果曰：「語云：出己妻者，給其休書；我則語汝，凡非因姦出己妻，是陷之於姦也。娶已出之婦，亦犯姦。」此處所言因姦出妻是言夫婦分居非言析婚又曰：第十

九章第四節以下汝未讀經耶，厥初大造生人，惟造一男一女，謂之曰緣，是人離父母，而

好合其妻，二人成為一體，然則非二人乃一體耳。天主所合，人勿析之。法利叟我曰：苟如是，何梅瑟命與休書而出妻？曰：梅瑟緣汝心忍，姑容出妻，厥初不然。我語汝，凡非因姦逐妻，又復別娶，淫矣；娶人已出之妻，亦淫矣。」

以上耶穌之言，謂夫婦成婚後，至死不能分離，惟婦人犯姦，夫可離之，暫不與之同居，然夫不能再娶，婦不能再嫁，故曰非因姦出妻，是陷之於姦，娶已出之婦亦犯姦。準此，夫婦之不可離婚，是天主之命，是聖教會傳下之倫理大道，所以保祿聲明為天主之命。且彼又在致羅馬人書上第七

二節曰：「有夫之婦，於夫在生時，為法律繫於夫；



夫死，則釋於夫之法。是以夫在生，若婦適他人，則稱爲淫婦；夫死，則婦釋於此法，雖適他人，亦不爲淫婦。

保祿之言，是言男女一經結合，終生不可分離；惟對方之死，與人以再娶再嫁之自由。

雖然夫婦仳離，是難免之事，保祿宗徒預見其情形，設有一婦受夫虐待，離去其夫；在此情境，惟有二事之當爲：一、不能改嫁，因改嫁是犯姦；二、如或可能，當與夫破鏡重圓；夫則有本分，不能休致其妻。

從上保祿之言，可知婚姻爲一夫一妻制，一夫不能有二妻，一妻不能事二夫。蓋宗徒謂：夫在，婦被法律繫於夫，改嫁爲淫婦。而保祿之意謂：夫婦之權利與義務是

律的，是平等的；妻之身，夫主之；夫之身，妻主之；彼此還債。故有夫之婦不能改嫁，有妻之夫不能重娶；此夫婦之平等權也。此一夫一妻之婚姻制也。

婚姻乃一件莊嚴神聖的事，教友之婚姻是一件聖事，正夫正妻領此聖事，天主賜以聖寵。此意也。保祿亦隱約言之。在厄弗所書第五章上，保祿以夫與婦比基多與聖教會，夫婦彼此之本分，當以基多之待教會是則是效。在第三十一節上，聖人引用創世紀「一人將離父離母，好合其妻，二人成爲一體」之語，卽曰：此一至大之奧秘；我言此亦指基多與其教會。脫利滕公會議謂在此語上，保祿隱指教友之婚姻是一件聖事；蓋夫婦之配合，猶基多與教

會之締結；基多與教會之締結，是至神至聖至超性者，故夫婦之配合亦為至神聖之聖事，得獲主寵者也。

婚姻是一件聖事，既婚不可分離，此保祿所明言者也。然聖教起初時，即現在聖教在外教之邦，婚姻締結，有時一方是教友，一方是外教者。在此種情形中，當何以處之？曰：保祿宗徒對此，亦有明切之指示，其言曰：

「至論其餘別人，即指非教友夫妻，今是我言，非主說，若弟兄有不信之妻，即不奉教者，而妻願與之同居，則勿去之，若婦有不信之夫，夫願與之同居，則勿離之。因不信之夫，藉婦而得聖，不信之婦，藉夫而得聖，不然，則爾之子女不潔，但今則潔矣。不信

者若自離，則聽其離；因或是兄弟，或是姊妹在此情境中，則不受拘束矣。天主召我儕，教進原為平安。婦歟，爾焉知爾能救夫？第七章第十夫歟，爾焉知爾能救妻？二至十六節

以上所言，是指夫婦一人奉教，一人不奉教，是否可以同居，耶穌未嘗明言，亦是當時教友之疑端。保祿之答，若曰：主雖未明言，我係主之宗徒，代為說明，苦彼不奉教者，願與之同居，不相妨害，即可伉儷如前。若其人不願同居，自願離去，則聽之可也。保祿之意，未曾受洗前，所結之婚姻，其中一人受洗後，若不奉教者，願與奉教者同居，則未嘗不可。蓋教友方面能成聖，未奉教之對方，此成聖非如寵愛之成聖一人，然惟因未奉教者，與奉教者有密切之關

係，夫婦成爲一體，有其外表之聖也。

設不奉教者，不願與奉教者同居，或雖願同居而有信德之危險，致有凌辱天主之事者。在此景況中，奉教者能與之離開，其故非他，原天主召人奉教，欲人得主之平安；今既不能享受此超性之平安，且超性之福，在本性之上，而奉教者之能否勸化不奉教者，在不可知之數，故分離能許可之也。

雖然分離後，奉教者能否男再娶，女再嫁？答曰：此卽所謂保祿宗徒之特恩，爲此分離之奉教者，卽對於不肯受洗，不欲與在教者同居，或欲同居，然輕慢天主，致在教者有背教之危險，則通知對方後，可以再婚娶也。此特恩原爲信德之益耳。

論說

保祿宗徒之婦女觀

X X X

二守貞問題 婚姻問題，保祿既爲當時之教友切實解決之矣。與此問題，有連帶之關係者，卽守貞之地位，保祿對於此端有切實之教訓，其言曰：

「至論童貞，我未奉主命，然蒙主之仁慈，令我忠信，爰述我意。據我所思，因現時

之艱難，即公審判前之災難，因當時人想天地終窮之將近。我以此爲

善，卽人如此不爲婚姻所束爲善。爾已

繫於妻，則毋求釋；已釋於妻，則勿求妻。

爾若娶，亦非獲罪；童貞若嫁，亦非獲罪。

但將受內身之苦楚，我願汝曹免此苦

也。兄弟乎，我所言，乃餘時無幾，故有妻

者，當如無妻，哭者，當如無哭；喜者，當如

無喜；買者，當如無有；用此世者，當如不

用，蓋此世之形像逝者如斯。」第七章第二十五節

至第三十一節

聖保祿明言守貞之善，且勸人守貞，但不是命令，乃一勸告。聖人亦明言婚姻非是罪過，惟其所遭之苦楚，及世俗之牽累，則甚於守貞之人。人生在世不久長，即世界窮盡，亦將倏至，彼婚姻之人，亦豈可過愛世俗，世俗苦樂，皆幻境耳。聖人繼即言守貞實在之益，其言曰：

「惟我欲爾毋愁慮，未婚者，慮屬主之事，如何可使主悅？已婚者慮屬世之事，如何可使妻悅？其心分矣。婦人與貞女亦然；未嫁者慮屬主之事，俾身與靈皆得成聖；已婚者慮屬世之事，如何可使夫悅？我言此為爾益，非是張羅網以陷害

爾曹焉。乃令爾曹行好，可以無阻無礙，虔誠事主。若人有己貞女已過年華，苟不出閣，則有羞恥之辱，則隨意嫁之，可也；蓋嫁彼並不犯罪。意即謂父母若見己女之出配則多有危險則已至出閣之年苟不為可以嫁彼並非是罪過但有人心志堅定，因無不得已之緣故，又能自由作主，堅定志向，留己女守貞，乃是善行。準此：嫁己女，善者也；不嫁為更善。」第二十二節至第二十八節

由上所言，守貞比婚配更好。原保祿勸人守貞，非僅欲人脫離世俗世務；世俗世務亦為人生所不可免之事；然其目的更有超越於此者，即守貞者容易服事天主，親近天主，不分心於世俗事務；此守貞之實在神益也。靈魂尊於肉身，靈魂之事尊於肉身之事；靈魂得其更好之神益，肉身之

事，本已無足輕重矣。

守貞地位，既如是之尊且美，清潔如有形天神，將來天國之賞報，亦豐且厚。但保祿宗徒深讚守貞地位之高妙，恐新皈依聖教之格林多人一時熱心之衝動，不加審度而即定志守貞。故即又曰：若為父母者見自己之女守貞不無危險，則嫁之可也，嫁之無過。若無貞潔之危，且志意堅決欲其守貞，則為更善。此二種措置，皆適理合義，其區別不過是善與更善；婚姻是善者，聖者；守貞是更善更聖耳。

保其童貞者。否則反以婚配為善。恐有人說：何以保祿為女子不留自主之餘地，令為父者自由嫁女，或不嫁女，欲女守貞或不守貞？答曰：子之所言未免欲以現代之新派女子視當日之女子矣。當時格林多人之風俗，子女之婚嫁，大半亦權操父母，婚姻之事子女順從父母之指導，誠為適當之事；且保祿不言父母有絕對之權，祇照當時情形隨述之耳。

X X X

三寡婦再嫁問題 寡婦再醮，習俗以為不名譽事，保祿宗徒對此問題，亦有其訓導，其言曰：

「夫在時，婦為法所繫；夫若死，則婦可自主，隨意嫁焉，惟宜在主而已。」

即嫁在教友

然

論說 保祿宗徒之婦女觀

以我意，彼若恒守，更爲有福；我想，我亦

有天主聖神。

即所言不錯 第三十九節  
足令人信 至四十節

對於寡婦問題，保祿之言，十分明白，謂寡婦能守節則爲上乘。蓋守節之婦，當時在如德亞及外教之邦甚重視者也。然聖人又曰：爲彼等夫死之後，已不爲婚姻法律所束縛，故欲再嫁，悉聽自主。保祿爲鄭重及信實起見，又曰：此意非主默啟之意，然我想我亦得有聖神之默感，故我之所言，甚爲允當。

雖然以上保祿之言，未免欠切實；蓋何等寡婦守節爲妥，何等爲不妥，聖人未切言之也。我在其致弟茂德第一書第五章上第三節以下，又有論寡婦之事，其言曰：「寡婦之真寡者，意謂真孤獨無依而又善守寡貞此等人當尊敬愛憐

宜敬之。然寡婦若有子或孫，則彼宜先學行孝於其家，以報其親，蓋此見悅於主也。惟真寡孤獨者，該仰望天主，日夜願懇祈禱。但貪快樂之寡婦，生猶死也。此訓言，爾該囑咐若輩，令免人之指摘，凡人，不照管自己之人，另爲自家人，則違反信德，不外教人若矣。

寡婦登籍，記名於冊用爲職員未詳何職必勿少於六十歲，素爲一夫之婦，有行善之稱，曾教育子女，曾館接旅人，曾濯聖者之足，曾助患難之人，若從諸善事者也。年少之寡婦却之，不用爲職員也蓋彼隨肉情之牽引，違背基多，願意嫁人。彼等背棄當初之誓願，必見定爲罪。彼又習閒暇，周遊隣舍，不第閒暇，且多言好奇，言所不當言。我

欲年少者復嫁，生子，齊家，不與敵以可譏之機也。蓋已有轉從撒殫去矣。凡信人家有寡婦，則己宜助之，勿累教會，使教會能助真寡也。」

保祿宗徒之論寡婦，豈不深切著明！其指導格林多新教友也，謂寡婦守節為上，欲嫁亦可，蓋有其完全之自主權也。然守節不嫁者，當有其貞德善表，庶不忝其所守。年幼難守者，以再嫁為更妙。

在保祿上言中，可見聖教起初時，不無寡婦，羨守節之美名，夫死不嫁，然其實欲享一己之自由，得獲教會之援助，故終日無事，議論人之長短，於是興起許多物議矣。甚至有肉情熾燃，守節不終，醜德彰聞者。故保祿嚴格規定，記名聖教冊籍寡婦當

有之資格，其餘年少，家又貧困，則嫁為上乘。

X X X

婦女之地位 保祿宗徒在致厄弗所人書第五章上，男女之關係，亦討論及之。聖人論男女之關係，其思想超越，其言論正確，非一般人所能領悟，其言曰：

「婦乎，爾曹宜服從丈夫，如服從吾主然。蓋夫為婦首，如基多為教會之首，且為其身之救主。言聖教會為耶穌之身體為其所救贖者婦女在一切事中，宜屬從自己之丈夫，猶教會之宜屬從基多。夫乎，爾曹當愛爾等之婦，如基多之愛教會，且為之捨身。：準此為丈夫者，該愛自己之婦，如其體也。凡愛己妻者，即愛己也。：」

論說 保祿宗徒之婦女觀

保祿以上數語，在無信光之輩，大施抨擊，以爲天主教重男輕女，致男女不平等之觀念，深入人心；社會上種種不道德之待遇婦女，皆此語爲厲之階焉。我思之，我重思之，而知此等論調，實不知天主教之道理，及聖保祿宗徒超越高尚之見也。何以言之？蓋重視男女平等，莫保祿若也。依保祿男女固平等，然此平等並不削除倫序之主從。男主女從，天然之倫序也，故在其致格林多人書第十一章第二節至第十六節上，聖人曰：

「兄弟乎，我嘉獎爾，因爾於一切事，記念我；且守諸誠，如我所授與爾焉。吾欲爾知凡人之首，基多也；女之首，男也；基多之首，天主也。凡男蒙首而祈禱，或說預

言，則辱其首，凡女不蒙首而祈禱，或說預言，則辱其首；蓋此與雜髮無異。女若不蒙，則宜剪髮，但女倘以剪以雜爲辱，則宜蒙焉。男固不宜蒙其首，緣其爲天主之肖像及光榮故；但女是男之光榮，緣男非由女出，女則由男出也。且男非因女而造，故女因天神之故而戴帽於首。」

聖保祿宗徒在格林多書上言婦女在家庭在社會上之地位後，在第十一章上，論婦女在集會行敬禮時，當有之態度。因當時格林多之婦女，聚集聖堂，公行瞻禮，無一二出規事情之發生，卽若輩之態度太顯自由，無檢束之概，竟在堂中，披其髮，露其首，高聲祈禱，而談預言。按當時風俗，



在公堂會聚時，男當免冠，女當戴帽；而新歸化於基多之格林多婦女，以為在信光之下，男女平等，誤解保祿在加拉達書第三章第二十七節上所言之語，其語曰：

「凡受洗締結於基多者，衣基多也。無分如德亞人，與希臘人，或奴僕與自主，或男與女，蓋爾在耶穌基多實為一也。」

於是她輩欲自躋於男子之列，並駕齊驅，以享平等之權利，而膽敢露首。保祿見此情境，深滋不悅。夫希臘婦女敏捷而易感，故保祿始則出以讚言，曰：「兄弟乎，我嘉獎爾。」繼則婉示己之不悅，曰：「女不蒙則宜剪髮，但女倘以剪以雜為辱，則宜蒙焉。」保祿此言有諷激規勸之意。蓋希臘俗，惟奴婢婦女則雜髮，羅馬舞女妓女亦

遵是俗；如德亞俗，則以此辱罰姦淫婦女；保祿欲以此激勸格林多婦女，令彼等有自尊自高之心也。

聖教會固重視婦女之人格，尊敬婦女之地位者也；聖教會固視男女平等，未嘗有輕男重女之見也。但此平等不當誤懂，男女各當居在自己範圍中也。男女之範圍維何？保祿宗徒明訓之曰：男女有隸屬之關係者也。男為女首，女屬於男。男為天主之像，天主之榮意即天主照自己肖像，造一肋造厄娃為之配合。是男子直接受造，亞當後取亞當肖似天主，而女子則間接受造，肖似男子；此古經記人類受造，男女分位，顯有不同；此保祿所以說女屬於男也。

論說

保祿宗徒之婦女觀

雖然，此隸屬也，非輕待女性，實有超性奧理存乎其中，即保祿所謂天主為基多之首，基多為人之首，男為女之首，女屬於男，男屬於基多，基多屬於天主。此等隸屬並無尊卑上下之階級，如外教人之所主張，然在倫理上天然之秩序超性之奧理也。保祿又懼人誤會已言，開男尊女卑之風，故即繼曰：

「雖然，在主，照主聖意不是有男無女，有女無男；蓋女固出於男，而男亦生於女，皆來自天主。」

此言女固屬於男，然在別一方面觀，男亦屬於女；蓋無女則人類不能傳，人亦屬於女。而夫婦之間，權利與義務亦皆平等。一夫之身婦主之；婦之身，夫主之；夫婦彼

此還債。」

人聞保祿此言，能不警悟，能不守夫婦間當守之忠信乎？夫婦固不可有外遇，夫豈可有外愛？婦不能有二夫，夫豈可以蓄妾？男女平等，權利平等，義務平等，無分乎男女也。保祿又曰：

「爾曹自度之女無蒙而祈禱，宜乎爾豈不由賦性，而知男有長髮，則為其辱，惟女有長髮則為其榮；蓋女以髮為之蒙也。但或有欲爭辯者，我儕却不有此習慣，教會亦無是也。」

此為保祿之結論，謂男剪髮，女蓄髮，出於天性，在公眾之地，女當檢身自束，不可太無約制。希臘人以善辯名者，保祿雖舉出種種理由，反復詳論，難免有不折服其言

而欲置辯者，保祿所以曰：女子露首在公眾前，高談闊論者，此非聖教會中之習慣。此欲人閉口，無執問之餘地也。

準此而言，女子主閫內，不預聞外事，固由其性體、人格、地位之當然，並非有損於女子之尊嚴也，明矣。

保祿之論婦女，我已詳論之矣；今吾總結之曰：婚姻爲人生大事，適理合義者也；夫婦之本分，亦爲理之所當盡。

婚配固爲神聖之善事，然守貞比婚配爲更好，以其更能成全一己而服事主也。然守貞亦當有天主之聖召，否則男各有妻，女各有夫之爲安。

寡婦守節，是一件善事，惟守節亦當有能守之條件。故年少之寡婦，獨居有貞德之

危險者，改嫁可也；非羞恥之事也。

夫婦關係固是平等，然婦當服從已夫，夫當敬愛已婦，猶基多與教會之關係，然此非男尊女卑之言，然男女各依其性，倫常天然之秩序也。

保祿此等議論，豈非光明正大，超越奧妙之大道乎？婦女之地位、人格、職任，得保祿之言論，而有其正確之觀念；保祿有功於綱常大道，豈不鉅哉？惜當今持婦女主義者，妄談女權，言語逸出正軌，以爲今世重男輕女之風俗，皆由保祿一婦服從夫之一語，有以成之焉。爰作是篇，以糾正譏誣保祿者之論調，而爲聖教會護道也。



# 禱著



\* 論天主教完全適應人之需要 \*

(陝西) 張警鐸司鐸

世界宗教林立，分門別戶，各從其道，各守其誠；數千年以來，互有盛衰，互為消長，從未有一教獨存之一日也。然真宗教惟一，不能有二。蓋真主不能有二，真理亦不能有二，此哲學之定理也。否則何者當從，何者當違，人莫能辨，則世界無真宗教之可言矣。故吾人信從宗教之先，不可不審辨是非，分別真假也。然辨認真宗教之法，莫如以其教能否完

全適應人官能之需要，為首先討論之問題，故茲篇以此為題標焉。

然此種種優點，除天主教外，無有一能供獻吾人者；蓋天主教非但能適應人悟司之求知，且能適應人之欲司之希望，又能適應人覺司之觸感。故基多教為真正宗教。今將此理分三部分論之。

(一) 天主教完全適應人類悟司之需要

人之悟司之對象為真實，即人對於萬事萬理，莫不好知，莫不求解其疑。然世界事物之真實為有限，有限則不能滿人悟司之需求。如吾人之學識，雖能洞曉精理，深究蘊奧，猶覺不足，且愈求愈知不足。此可以由吾人之經驗証之，故吾人不得不求

無限之真實。但無限之真實，絕不能為世界事物之真實，蓋世界之事物，皆為受造；既為受造，則已為有限矣。故無限之真實為造物主。

如上所言：則人之悟司有求無限真實之趨向，此趨向即吾所謂悟司之需要。人既有此需要，則此需要必出之大造；既出之大造，則大造不能置之虛妄無用，故必使悟司得其歸向；否則大造欺人，使人有此需要，而不能得其所求，徒增人之憂嘆而已。

宗教之中，惟有天主教獨能引人求得無限之真實。此無限之真實，即吾人所謂之天主。蓋天主教明白示人，天主為無限真實之存在，且以因果運動，萬物偶有性，與

其次序，及終向，以及人類公意等證明之。此等證據俱見於神學，其理精確無比，孰能與之伸辨？

至論天主之性體：天主教則言天主為無窮美善，雖合世間所有之美善，猶不能比其毫釐。

至論天主之造化工作：天主教則言世界為天主之創物造；不然，則世界必為自有；若為自有，則世界亦為造物主，是吾人有多數之造物主。此為理之所不容也。明矣。天主教又言，天主為人最後之歸向；言大造生人，責以昭事之典，有善則賞，有惡則罰，故人離世之後，或升天國，或降地獄，皆以功罪而定，斷無沒後消滅之理。故人由於天主，將來仍歸於天主。

至若其他各端超越人類性能教理，天主教言之無不精確，論之無不詳細；天主教誠能應人悟司之急需矣。

總之：天主教所論之教理，皆為完善純正之真理，皆為引人求得無限之真實，絕非他教所能及。蓋他教之教理皆為率性的，有限的，而非超性的無限的真實也。如仁義、道德、慈悲等，雖能以率性之力，稍窺神道，然終不能談及超性及救靈之事，終不能滿人悟司之所求。甚至有宗教自興創以來，其教理與教旨屢有變更，以誤傳誤，失其真面，實與真理千古不變之定理，大相違背。故世界宗教中，除天主教外，無有一能適應人類悟司之需要。

天主教所論之教理，又非哲學家所能及。

蓋哲學家只能示人率性之理，即率性之理，有時亦不能完滿解釋，況超性之道乎？故人雖精通哲理，猶覺不能滿其悟司之所求。

吾人再以天主教教理上之和諧一致，及宜於任何人之悟司觀察之，尤覺令人佩服。天主教所宣之教理，其互相有不可思議之連帶關係。如吾人若認天主為惟一之造物真主，則不能不認世界與吾人之原始由於天主，其究竟又歸於天主。又如吾人否認靈魂之不滅性，則教會教理，何必確信，教會誠命，何必恪守，因吾人在世能為歡幾時，死後又何須賞報也。

天主教所宣之教理，頗宜於任何人之悟司，蓋以其理之深奧觀之，足供博學人研

求之資料。故聖教自初世紀以至今日，其教理雖經無數博學聖師，以及神學家哲學家之考究，猶未能發揮盡淨。再以其理之簡明觀之，雖婦人孺子，對於各種要理，無不能對答如流。

由上之種種證理觀之，吾故曰：天主教會誠能適應人類悟司之需要。

(二) 天主教完全適應人類欲司之需要

人之欲司之所欲，必為悟司之所知，蓋不知即不欲。若欲之，則悟司必知其美善，故悟司所知其有可欲之美善，為欲司之對象。人之悟司之所見，若為有限真實之美善，則欲司之所欲，亦為有限真實之美善。但世間之事物，如前所証，皆為有限之真

實；既為有限，則其美善亦為有限，故終不能滿人欲司之渴望。於是吾人不得不求無限真實之美善。無限真實之美善，即天主之美善。天主教獨論天主之美善，又使吾人愛慕之，企望之，求得之，故天主教獨能適應人類欲司慕得無限之美善之急需。

天主教會非特使吾人之欲司，企慕無限之美善，且明示人獲得此無限美善之良法，故以穩妥及成全之行規告知吾人，又以賞罰獎勵等鼓舞之，警戒之。何謂天主教示人穩妥及成全之行規？因其對於倫理學所含之三部分：即對己之責，對人之責，及對造物主之責，最注重之。對己：教會則示以修身淑己，成全德學之

道。對人：教會則示以無論中外，文蠻，賢愚，富貧均當以愛德爲本，以體恤爲懷。對人：包對家庭之責，對社會之責，對國際之責。對家庭：教會則提高婦女之地位與權利，及促進家庭道德上之進步。對社會：教會則明示其上下之權利與義務，而又以政府之公義與平和，及人民之自由與服從爲前提。對國際：教會則忠勸以親善之道，無論平時戰時均當嚴守條約，不可稍有違犯。對造物：教會則示此責爲人生之首務，故當以內敬及外敬之禮欽崇之，又當守其誠命，遵其聖道，方能救靈。總之：天主教會以穩妥之成全之行規，告示吾人，以能達到吾人求得無限美善之目的。天主教既示人以行規，又恐人日久懈怠，

故以賞罰之道，獎勵之法，以促進其遵守。其言天堂地獄之存在，實因賞罰而有，絕非教會之幻想，不然，有功何賞？有罪何罰？造物主之公義何在？天主教又以耶穌之善表及聖賢之遺型，常規勸吾人；以天主之聖寵爲慰人行事不可缺少之輔助，以能求得完美之結果。

由以上証理觀之：天主教誠能引人歸向無限美善之天主，以得其欲司之對象。故吾曰：天主教完全適應人類欲司之需要。

(三) 天主教完全適應人類覺司之需要

### 要

天主教非惟能適應人類悟司及欲司之需要，且能適應人類覺司之需要，蓋人類非惟由靈魂而成，亦且由軀體而成，故天



主教若能適應悟司及欲司之需要，亦當適應覺司之需要。余今舉數例以証之。天主教有外表之祭祝及禮儀，如彌撒聖祭，七件聖事等，以敬天主，以贖人罪。又有祈禱，讚道，聖歌等，以引起吾人之熱心，使吾人對於神業特加敬重也。

天主教示人當有活動之操練，質言之：即示人以勤勉勞動之道。故教會對於學術，實業，商業，農業，以及凡為人有利者，皆勸導之，提倡之，使人各有職業，各盡其責，以能榮主教靈為最後目的。

天主教實能慰人之憂患，蓋示人各種憂患之所生，皆天主為人之利益而加之，或為補贖人之過惡，以減其罪罰。或為加增人之功德，將來能得更大之永福。

天主教既能如是宜人覺司之所求，則吾人所謂天主教完全適應人類覺司需要之一語，誠不我欺矣。

由以上三大証理觀之：天主教既完全適應人類官能之需要，則吾人之缺限已滿，希望已達，尚何求哉？凡能完全適應人類官能需要者為真宗教，如前所言；但天主教能完全適應之，故天主教為真宗教。但真宗教惟一，亦如前所言，除天主教外，無一為真宗教，亦即無一能完全適應人類官能需要之宗教也。



母教篇

來稿

一家之中，為父母者，對於兒童之教養，各有適當之職：父執外政，重權；母供內職，尚慈。故稱父曰家嚴，母曰家慈。然兒女幼時，教養之職，則於為母者，尤倚重焉。蓋初期之教育，最屬緊要。幼童之在母手，猶泥埴之在陶人手，一任搓揉，置配，不加違抗。名士拉高爾岱曰：「母之口訓，一入兒童之心，深不可及，堅不可拔矣。」

故兒童之教育，從兒童能領教之時，即當施行。古諺有云：「嬰兒喁喁，識汝母兮。」蓋言嬰兒試笑試語之初，母之性情狀態，一一深印兒童之心。故熱心之母，與兒童嬉玩愛悅之際，教以習念耶穌與聖母聖

名，則耶穌及聖母之觀念，自然深刻於兒童心中。及年壯時，雖受慾火之猛攻，患難之挫折，心中常記慈母之遺訓，而口常稱耶穌及聖母聖名矣。歐戰時有軍士於臨終前，往往叫呼其母，而其聲中常念耶穌及聖母聖名者，無他，未忘幼時之良好教育也。故為母者，苟能善教兒童，習誦短經，則兒童心地之培植，自亦加人一等矣。

名士肋梅師特爾曰：一人至十歲，即當學為聖為賢之道，若離母膝而猶未學此，真兒童之大不幸也。一反是，若為母者，從兒女幼時，即以修德之觀念，印刻於兒童腦筋中，則後日雖受惡習之蒙蔽，良好之印像，終不能盡淨消滅也。

古人有言曰：「成偉大人物者，母親之功

也。一準此：凡教友之成大聖大賢者，其初學之地點，非即母之膝上乎？故兒女幼時，始教之以教中要理，繼導之以修德途徑，務使兒童之心，脫離世幻，但愛天上神美，斯不失為賢母矣。

吁，重矣哉！兒童之教育也，非為母者，處心積慮，朝斯夕斯，不為功也。雖然，如是重大之職，一母之力，曷能勝之乎？曰：以人力言之，固屬難能，然熱切祈禱，依賴天主神佑，未有不能勝任者也。蓋熱切之祈禱，上則與主契合，下則增助人力，難者易而勞者逸矣。

由是觀之：母之熱心愈大，則母之教育愈生效力。蓋賢聖之母，其所言所行者，無不聖善，能不感發兒童之心乎？反是為母者，

不善行神業，勤守教規，我不知其如何教育兒童也。教養不善，則兒童之一生，亦可預卜矣。

且賢母之能力，不止施於兒童而已也。每聞人曰：一賢婦為一家之中心點，團結點。一此非無因，蓋無論其為人母，為人妻，皆具團結全家之原動力，既能陶成其兒童，又能感格其丈夫，則賢婦女之直接補助於社會者，豈淺鮮哉？

各人拉默底納稱己母之賢德曰：「幸矣，我家有一賢聖之母，不特獨善其身，必且兼善兒輩，一以造就兒輩為天主之人物為己職。母亦未嘗用特殊之教育法，惟熱切祈禱，呼籲天主之寵助耳。彼之一呼一吸，一舉一動，莫不出以至情，激勵兒輩，導

引兒輩也。」又曰：「兒輩幼時，早起晚眠，飯前飯後，母常教念簡短經文，兒輩亦久以母親之膝，為家庭中之念經臺矣。每見母親斂神祈禱時，面光煥發，兒童心中感思多矣。彼引兒輩同禱時，音容笑貌，更藹然可親，肅然可敬也。」此真賢母之懿表，世之為母者，欲善教其兒童，師法之可也。古人有云：「有是母，有是子。」故母而賢，所教之兒童亦賢，母而不賢，所教之兒童難必賢矣；為母之職，豈可忽哉？誓反教史者某嘗評論曰：「舊時之法國，固眾主教教士所組織成者；然法國之所以能持至今日而不衰敗者，非獨主教及教士化導之力，亦眾賢母教養之功，有以助之也。」

\*  
\*  
\*  
\*

下編

寵愛論

總論

徐宗澤

寵愛意義

聖寵分寵佑與寵愛。寵佑已於上編言之，茲言寵愛。寵愛乃天主之神恩，與人靈魂常有內性之契合，因之，人密接的 Immediate 正式的 Formaler 成為聖人，義人，中悅天主，為天主之嗣子，而有立常生功勞之能力，得天國之名分者也。

今試剖解此義，俾人更能洞明寵愛之為物。「天主之神恩，」此泛言寵愛，言其宗也。「與人之靈魂，常有內性之契合，」此切言寵愛，言其類也。其他諸語，言寵愛之

效。「聖人」一言無重罪也。「義人」一言靈

魂在超性方面之完美也。「中悅天主」

言人為天主之契友也。「密接的、正式的、

一言上述諸神效，由寵愛之本身直接產

生，非間接藉他助以來者也。

寵愛對天主而言，乃言天主性體之通與

*Participatio naturae divinae*，即言人有寵愛，

宛如有天主之性體；又曰立嗣，*Irriatio*

*adoptiva* 即言人有寵愛，成為天主之嗣子；

又曰友誼。

寵愛對超性之德能而言，乃為超性生命

之性體，諸德之根基。

寵愛對天國之永福而言，乃為嗣子得產

之權，即言人有寵愛，乃有天國之名分。

寵愛對人之靈明性而言，乃為義德、生命、

美麗、純淨。

寵愛對倫理之動作而言，乃謂此等動作

之價格，（即言倫理之動作，）得寵愛之

灌溉，而有真正之價值也。

寵愛使人成為義人；人有寵愛，即見寵見

愛於天主；而人所以見寵見愛於天主者，

因無重罪故；其致此之道，則為致義 *Justi-*

*ficatio* 之方法，故論寵愛亦曰論致義。

### 第一章 論致義之性體

寵愛者，使人成聖。成聖之道，致義為

初步。致義，辣丁文曰 *Justificatio*，此語

來自 *Justitia*，譯曰：義德。義謂人各尊

敬彼此所有之名分，毋相侵犯。

此處所謂之義德，不採取是義，然謂人之

正直準備，完全序次即隸屬歸向之意於天主，因其

為超性之終向也。

致義能有施動與被動之分別：

施動的致義，即天主令人歸向於己，而得

列於超性倫序之中。

被動的致義，即向此超性之義德而進行。

故致義一語，依此剖解，能言二事：

一，自無而至有，即自無寵愛，而至有寵愛；

二，自有罪之境位，至義德即無罪之謂之境位。

第一式之致義，惟天神、原祖及聖母瑪利亞等有之；

第二式之致義，則諸凡人皆可有的。

此章所論者即致義之性體。

### 第一節 致義赦免罪過

題旨及釋義

人欲獲得天主之寵愛，先須致義。致義之定義，脫利滕公會議

言之詳明，其言曰：致義，乃人自生而在原

祖亞當後裔之地位，因耶穌基督救

世主之故，進升於天主嗣子之地位。

準此致義，一言革新即言從一狀態改遷至一更優美之狀態

二，言完美即自原罪或重罪之中因獲罪之赦寵之得而有天主之寵愛

三，言內化即天主之寵愛附貼人靈而鎔化之改變之宛如新性

四，言耶穌之功即言人得此神效完全由耶穌救贖之功

故致義在人獲罪過之寬赦，聖寵之傾注。

罪過寬赦云者，不特赦原罪兼赦本罪，不

特赦罪惡，且赦罪罰；至少改永罰為暫罰。

寬赦者，非掩蓋之謂，使罪不之見，亦非不負責之謂，而罪之實在仍留；然謂罪之真

赦，即罪所留於人靈上之無論著形的倫

理的腐點，完全洗刷之而剷除之也。

聖寵之傾注，即人得獲天主之寵愛，常留

在人靈，使人之靈魂華麗，而見悅於天主。以上所言，為聖教會之信德道理，脫利勝公會議 *De Trid. S. S. can. 5.* 論領洗之致義，其目的在駁斥誓反教人之說。

誓反教人謂：原罪乃人之私慾偏情，從此慾情中產出許多罪過。

公會議謂：人在領洗時得赦此原罪。

公會議雖論領洗時之赦原罪，然亦可貼合於告解時及發上等痛悔時之赦罪；蓋彼此皆為致義之赦罪則一也。

**誓反** 致義之論，為誓反教道理之根本問題；從此謬道，產生許多紕言謬

**教之** 問題。從此謬道，產生許多紕言謬

**異端** 論。路得謂原祖犯罪後，人之性體

已根本敗壞，人有原罪而受此私慾偏情之累；且此慾情實乃罪過。人雖得領洗而

此慾情仍在。蓋人領洗時，並不邀獲罪過之赦；惟藉耶穌之功勞，此罪過掩蓋不見耳。故致義人靈不得內性之革新，惟在外表之粉飾。

**罪過** 人在致義之際，如領洗時，發上等痛悔時，告解時，依聖經之語，人之

**赦免** 罪過或云洗滌，或云消滅，或云清潔。如若望聖經 第一章第二十九節 曰：「翌日，

若翰見耶穌就已，告人曰：「此除免世罪之羔羊也。」聖咏第五十章第九節 曰：「望吾主，灑我，而我自潔；洗我，而我自白，白於雪。」先知

米加 第七章第十八節 曰：「有何神似爾哉？爾赦愆，且除免爾嗣之遺餘罪戾者。」又聖咏 第五

十章第十一節 曰：「勿視吾罪，然消滅吾之諸愆。」

一準此：聖經上所謂罪之消滅，洗滌，除免

等等，指罪過之實在寬赦，非如誓反教之所謂掩蓋也。故吾知人在致義之時，罪過實在赦免，天主之義怒平息，罪人立即成爲義人，聖人，而得天主之寵愛。

**罪過赦免之理証** 凡謂人在致義之際，罪不赦免者，或因天主不能赦，或因

天主不欲赦。然二者之理由，都欠圓滿。蓋赦罪云者，非謂人前犯之罪，使無此犯罪之事實也；然消免其既往之咎，洗刷其污跡耳。

人犯罪，被得罪者天主；致義之際，天主何不能赦其罪耶？且天主欲眾人得救已靈；救已靈須無罪過，故天主必欲赦人罪，亦明甚。原祖因一罪之故，而使原義 *Justitia originalis* 失去，耶穌救贖之功，豈不能恢復人已失之義德者哉？

歐美小說作家評論 品譯

安徒生 Han-Christian Andersen (1805—1875)

五——一八七五

安徒生是丹麥有名的詩人和小說家。他是鞋匠之子，他的學問從游歷歐洲各地而得來底，他也到過東方。他的詩有空想的和憂鬱的印象。但他那新奇的而變化的小說和短篇，似乎在北方的冥淵之中想出，而在東方的光天之下寫出底。他那心理的描寫，沒有比它再味美的了，比方：天鵝，鴨，狗，鼠，蝸牛，和其餘的家獸，它們在他的故事裡充滿了，它們在不死的靈魂之高尙前面，都低着頭致敬呢。誰都可看旅伴 *Le Camarade de Voyage*，飛



箱 Le Coffre volant 槐爾特馬大斯傳 Histoire de Waldemar Dace 雪人 L'Homme de neige 冰山聖母 La Vierge des glaciers 短篇

選本 Contes choisis 安徒生的短篇 雷薩

克法譯本 Contes d'Andersen, traduction de Leysnac).

莫泊桑 (Guy de Maupassant 1850—1893)

九三年)

莫泊桑是弗羅倍爾 (Flaubert) 的代子，歪

甘 (Emile Faguet) 說：「他是本世紀最偉

大的寫實派小說家。」他專究靈學，一八

九三年六月七日，狂病而死。

他的作品，以短篇小說為最有名，他的小說，有愉快的，有憂鬱的，大概十分粗野的，

影響於現代的人們，如同拉豐登 (La

Fontaine) 的寓言之影響於他當代的人

們一般：這是勒美脫爾 (Jules Lemaitre)

說，女子的故事，恣橫的鄉下人和滑稽的

村人，都是蒙昧的原始人的各種故事。

現代第六輯，Les Contemporains, 6<sup>e</sup> série。這

卓越的批評家也論過：莫泊桑喜歡描寫

較為劇烈的表示，無論形質的愛情，私利，

粗野，率直的殘酷等，他是極其耽於肉體

的娛樂者，他還滿意，激昂於這個娛樂裡

呢。(現代第一輯，第三〇〇面，Les Con-

temporains, 1<sup>re</sup> série, page 300)。

他的小說，有第一品的文學價值，這是眾

人共認底，到底，社會之所以去念它們，大

概不是因為它們的文章，然而因為它們

的不端雅的故事。

雜著

歐美小說作家評論

莫泊桑最後的作品，在道德方面，着實較少可責之處。白日之下 (Au soleil)，在水之上 (Sur l'eau)，伯多祿和若望 (Pierre et Jean)……奧朗陶夫書店 (Librairie Ollendorff) 出版的。莫泊桑的短篇小說，這個選本，也不是為少年們底。

### ●論小說和電影

現在社會上所出版的愛情小說，所導演的愛情影片，一大部分對於男女戀愛的一件事情，弄得神妙莫測；其情景描寫得淋漓盡致，斷非普通人日常在生活中所能遇見的事。青年男女心性不定，經驗不充，而知識又不够，對於這種小說電影讀之看之，恍如身歷其境，冀有所遇，於是一個個的醉生夢死，過他們幻想生活。這些小說作者，或電影導演家，我們無以罵之，罵之曰：「始作俑者，其無後乎！」

錄婦女雜誌

### ●新時代評論十七

#### 婦女勞工問題

自工業革命後，生產制度改變；從前是家庭制的工業，現在變為工場的工業。於是有許多婦女，到工廠中去作工為生活了！中國婦女，本來專事家務，在家縫紉烹調和紡織；農作時，在田裏，做工作。現在因為城市中工廠林立，活命便當，婦女覺鄉村生活可厭，都到城市工場中作工了！

雖然，在工廠中作工，活命似覺便當，然而有許多的害處。婦女的本分，本當在家庭中生活的，一家團聚，樂也何如！

但在工廠制下，一家都到工場，離開家庭，從早到晚，常不在家。家中無人照料，小兒無人管理，失掉家庭的幸福。就是偶而回

家，或放工回家，也無家庭的興趣。於是種種不道德的娛樂，到外邊去尋求，賭博呀，看戲呀，遊蕩呀，都隨之而發生了！至論在工廠裏，又有許多不好的事情：男女雜處，言語齷齪，舉動粗陋，種種損壞道德的機會，很多很多。婦女智識薄弱，易受人欺，因之失足墮落，名譽損失者，時有所聞。婦女體力，不如男工，重笨的工作，不能勝任的。每日關閉工廠，空氣極不適宜，又有幾種工作，不相稱於婦女的。有時作工時間太長，日中做工不已，而又繼之以夜工，於是疾病叢生，得不償失。

以上所言，大抵表示工廠工作不適合於婦女。然而處現在制度之下，要禁止子女不到工廠內去作工，實在是很難的事，惟

雜著  
新時代評論

當為她們籌幾種方法，保護她們的道德，力量，生計為第一件要事罷！

- 一、工作時間不可太長，最多每日八時；否則，女子力量不能擔任，家庭中的事務，不能顧及。夜工斷不能去做。
- 二、工資不可過少，工廠中往往利用女工，以為工資減低，而所作的工作和時間，並不少於男工；這是不公道的。
- 三、保護女子的設施，女子在廠作工，對於貞德所遇的危險，必多於男子；故廠中之設備，管理，交際，衛生等事，須妥為佈置，方能適稱婦女的人格。

總之：無論在精神上，身體上，道德上，生活上，女子在工廠作工，廠主和僱主當代為籌備妥切；這是愛德和公義所要求的。若

女子居家，不出外作工，這是更好。

### 廢除家庭的妄談

走於極端的社會主義派，謂男女平等，是天經地義，男子在社會上服務，成功大事業；女子則

深閉家庭，不能顯親揚名；其故皆由家庭累之。蓋一經結婚，則養子育女，被家庭束縛了！現在所以要把家庭社會化，方能發展女子的才能，為社會造福。

這種思想，十分危險，萬不能認可的。因為家庭是組織國家的要素，家庭不能拆散的。家庭變了社會化，則人將視家庭是一個旅館，夫妻無團聚的快樂，子女失其所依，社會上的道德將不堪聞問。

可惜現在工廠發達的地方，女子自早外出，在工廠內作工，至深晚而歸家，實在無

家庭生活的樂趣，甚至有許多人，放棄家庭的生活，情願到公共飯店，或旅館中去居住。制止生育，避去盡傳類的本分。凡此種種行為，無非是個人主義的自私自利心，萬不可為訓。

吾國的家庭制度，組織十分完備的，我們當利用家庭的組織，以鞏固我們的國家。孫中山先生說：「中國人對於家族和宗族的團結力非常強大，往往因為保護宗族起見，寧肯犧牲身家性命。」民族主義第一講又曰：「我們便要善用中國固有的團體，像家族團體和宗族團體，大家聯合起來，成一個大國族團體。」第一講由此觀之，孫總理極重視中國的家族制度；若要廢除宗族法，家庭制，這豈是孫總理的信徒嗎？

# 近事



## 教中新聞

### ●當今教皇第一次出宮記 溯自一八七〇

年。教廷領土被奪後。教皇庇護第九。誓不出宮門一步。以示消極抵禦諸侵略者。嗣後諸教皇。咸守其例。今則和約既成。教皇遂無自禁宮中之必要。故於本年七月廿五日下午六句鐘。作初次出宮迎聖體之舉矣。教皇乘飾繡之顯轎。用瑞士禁衛軍先導。教廷諸要人。以及各修會代表。皆盛服扈從。一切禮儀。悉如舊章。自華諦崗宮出發。進聖伯多祿場。時合城諸堂鐘聲齊鳴。在場觀者不下數十萬人。因先期佈發呼喝與攝影諸禁令。故衆皆詠唱聖歌或誦經文。此外尚有一萬五千意國軍士。及棒喝黨黨軍。在場致以君王之敬禮。教皇之際環行聖伯多祿場一週。至大堂之階。階上設紅銅祭台一座。教皇登台。時數十萬人

近事 教中新聞

皆屈膝下跪。寂靜無聲。而恭頌教皇之頌賜宗徒遐福云。

### ●羅瑪傳信部發表新教區六處 羅瑪傳

信通訊社電。七月八日傳信部命令。中國傳教區域增添六新教區。至此中國共有九十四教區矣。內中三十一區係當今教宗庇護十一世增設者。教宗建設中華教務之熱忱。於此可見一斑矣。

- (一) 順慶(南充縣)宗座代牧區。自成都教區分出。新區佔十二縣。信友共一八三九五。本籍司鐸二十位。
- (二) 萬縣宗座監牧區。自重慶教區分出。新區佔十縣。信友二二九六〇。本籍司鐸二十三位。
- (三) 雅州(雅安縣)宗座監牧區。自叙州(宜賓縣)教區分出。新區佔十縣。信友七一一八二。本籍司鐸十三位。
- (四) 四平街(遼寧黎樹縣)宗座監牧區。自遼寧(巴黎外方傳教會)及熱河(比國聖母聖心會)教區分出。歸加拿大魁卜克外方傳教會司鐸接管。
- (五) 邵武(福建西北)自立傳教區。自福州(班國多明我會)教區分出。歸德國救世主會司鐸接管。

三百六十九

(六)黃州(湖北黃岡縣)自立傳教區。自漢口(意國威尼斯省方濟各會)教區分出。歸特倫德省方濟各會司鐸接管。

●河北蠡縣教區改爲安國宗座代牧區  
一九二四年四月十五日教宗敕立之蠡縣監牧區(只六縣之地)雖孫大司牧已於一九二六年十月二十八日由教宗躬行祝聖。擢爲愛司朋主教。但教區名稱仍之。宗座近鑒其五年以來奮勉之工作。與驚人之成績。乃於七月八日頒諭陞爲宗座代牧區。並因所轄六縣中以安國位居中央。交通便利。將成爲事業之中心。故同時改名安國代牧區。代牧孫公年逾花甲。而建設精神極富。本社同人謹祝新代牧區教務進行。一日千里。

●四川靖蠻碑略歷 清光緒中葉。四川大足之龍水鎮。有土匪俗稱蠻子者。號棟臣。連絡鎮紳糾合地痞。仇殺天主教。每於年中六月十八九日。因地方人民舉辦靈官會之期。遂乘機起事。劫財掠物。冀圖僥倖。若光緒二十二年十四年。均嘯聚數千。焚教堂逐教民。掠得財物以便

了事。迨光緒十六年。始則將教民逐散。劫財之餘。復擄教民而殺之。本鎮教民之致命者。有趙龍、黃陳等十餘人。縣令陽保教而陰違。乃由上峯連委張周諸大員來鎮查辦。亦莫如之何。至光緒廿四年尤爲更甚。匪將本鎮教民驚散。財物掠盡不己。且四出打教。并將榮昌縣屬河包場。天主堂所駐之法籍司鐸華公生擒。次將駐銅果之龍水鎮人民司鐸黃公擒去。住匪營者三月。且將上峯委教司鐸之周軍門同扣匪營。事聞清帝。遣欽差王大臣統率大兵臨鎮撫剿。乃欽差許余匪以銀萬兩得誘釋華公。而黃公致命。旋得生擒匪首余棟臣。本鎮人民及附從者始駭奔散。故欽差決將龍水鎮焚毀。庶免再肇禍端。因縣令丁昌燕邀同閩邑紳民。再四籲情。乃蒙俯允。當將龍水鎮場名改作歸化場。書立額匾於場中大橋頭。(今被消毀無存)紳民戴德。故豎靖蠻之碑於場口大道之傍。以誌永久。此靖蠻碑之所由來也。茲因該碑年逾卅。被坭渣沒去。下半截不能全觀。本場天主堂會長執事。特邀數同志於民國十八年三月。將碑掘出。同立碑前攝影登報。俾全國教胞

均得瞻此數十年前。余蠻禍教結束之紀念物也。現刻本場民教實屬親善而相安。將來聖教廣揚可預卜也。經曰。致命之血。聖教之種。信不誣也。附碑文中四大字曰。信孚中外。右六字曰。闔邑紳民公立。左十七字曰。大清光緒二十四年欽差大臣王。

大足黃若瑟

### ●四川彭縣白鹿場領報修院舉行遊

聖之誌盛 本院舉行遊聖體之慶典。歷來有年。曩

昔均在院外遊行。近因匪風日甚。改遊於院內。蓋院內地。方寬廣。房屋高大。稍事點綴。極形美觀。聖體瞻禮之前半月。陰雨連綿。最近之數日。忽又大雨傾盆。至瞻禮本日。陽五月卅日。各種陳設。毫無阻碍。籌備之地點。共分三處。即經堂。中庭。花園是也。是日午後二鐘。持卷入場者。紛紛齊集。少間。由院長預定之唐公登臺講演。洋洋數千言。將耶穌建立聖體聖事之愛情。及吾人應當還愛之本分。發揮盡致。聞者莫不熱心勃發。講演甫畢。鼓掌之聲。如雷而起。時已鐘鳴三下矣。於是大小修院之修生。魚貫入堂。唱本日暮課經畢。即由姚公主禮。恭捧聖體。出堂遊行。經

近事... 教中新聞

聲樂聲。載道盈耳。聖體左右。有垂髫之童。遍撒五色鮮花。行行重行行。始至廓外之花園。園中設一祭臺。聖體至此。舉行降福。再由花園甬道前行。乃抵中庭之祭臺。再行降福。然後轉入經堂。禮畢。陳公親為攝影。以作紀念。此次聖體出堂遊行。秩序井然。雖來賓最雜。士農工商外。尚有各黨各派。惟聖體所至之處。無不跪地致敬。最異者。則黃冠之徒。亦稽首匍匐云。

自新來稿

### ●江西饒州祝聖徐主教誌盛 江西東境

主教田公烈諾。自蒞任以來。辦理教務。勤勞素著。艱苦倍嘗。近因年邁力衰。不堪煩劇。乃向教廷懇辭。另簡賢能。俾教務蒸蒸日上。有美籍司鐸徐公安慶。於民國十二年來華。正月十一日到饒州後。往餘江教堂學習華語。未幾任為美籍司鐸領袖。奉調管理饒州教堂。數年來辦事敏捷。不辭勞苦。教內教外無不歡聲載道。田公以為接替有人。遂奏請教廷。本年五月三十日奉羅馬教皇諭。內開特委徐安慶為江西饒州廣信撫州等教區主教。擇定七月十四日舉行祝聖典禮。先期在男女堂內外佈置一切。祭

三百七十一

就彩布牌樓。自男堂巷口起至仁慈堂大門止。鋪張五色彩布。聖堂內高懸各國旗幟。以及五色彩花。觀者咸嘖嘖稱羨。嗣有漢陽高主教。贛州和主教。吉安梅主教。以及各區司鐸。不下四十餘位。各屬信友。約計二千餘人。本城各公團各機關以及各信友。恭送大紅綢緞匾額八十餘副。十三日遊行街市。靖衛音樂隊洋鼓洋號爲之前導。極其熱鬧。畢將匾額懸掛滿堂。金光燦爛。甚爲壯觀。十四日天氣晴朗。清風涼爽。鐘鳴七句。各機關各公團蒞堂參觀。旋見各主教禮服入堂。主禮者田公烈諾。和梅二主教爲之襄禮。彌撒中風琴唱經歌聲。嘹亮上徹雲霄。堂中教友雖擁擠非常。然肅靜無譁。十句鐘禮畢。竹爆喧天鼓號齊鳴。新主教出堂。舉手降福。各信友歡呼萬歲。各界人員亦同聲道賀。午後三句鐘新主教舉行聖體降福。後攝影留作紀念。是日設席二百桌。以宴來賓。無不盡歡而散。夜則電燈高懸。幾如白晝。復往秦家山施放燄花。觀者人山人海。咸謂此次熱鬧。未曾見過。

(周佐臣)

### ◎江西景德鎮歡送田主教歸國 查我贛

東教務。向由法籍味增會。派鐸經理。近得美籍同會。派鐸助理。田主教近以耄耋之年。理事恐不勝煩。乞休退養。教宗允其請求。委任美籍徐安慶司鐸繼任。徐公既被聖主教。田公乃得歸。信友感公之政蹟。盛備歡送。乃趕具匾額。以彰行旌。個人饋贈。尤以茶葉見貺爲多。臨行時。信友齊集一堂。領受末次降福。而依依不捨之情。現於顏色。公亦動懷。鐘鳴十下。樂隊大奏。公登車矣。編額前導。書有德享壽考。大德難忘等語。樂隊徐行。公車在中。來賓殿後。一路鞭炮不絕於耳。游行點餘鐘。未盡市街什一。即由小巷下河。蓋時天炎熱。公不忍以一人之故。而重勞衆。所得君子不盡人之歡。不竭人之力。於公有焉。登舟之際。步鐸持照。廣爲攝影。以存紀念。畢同登舟。鞭炮復鳴。軍樂齊作。江畔舟中。巾帽氣空。高呼主教萬歲。公在中國三十六年。其平生心血。貢獻於我國傳教。丁年奉使。皓首歸國。氣同襄尸還鄉矣。當公初至。即理上海賬房。旋調贛東。庚子之役。充爲隨營司鐸。後傳教於南豐。景德鎮等處。卓著功績。主教和公沒。公繼之。在任總理教務十八年。

(來稿)



### ●江西和主教駕各屬付堅振

江西省屬

贛南主教和若望公以該教區所轄之民衆地闊。難以齊來總堂領受聖事。而堅振一蹟。又是教民中之第二要著。故自二月份起馳往各地。施行堅振聖事。不遺餘力。聞五月中當抵唐堂。茲已函知唐堂馬司鐸。謂宜報定名額。以備屆時享受我主第三位之寵照也。（朱甲伯）

### ●贛南教民將擬組織改良教職會

江西

贛南教民。以現在潮流之所迫。時勢之所趨。對於教育方面。應亟圖發展。而尤早宜改良教職員爲始。無論經文小學。以及高小中學。皆宜具有相當學識。始能充任。如我贛南各堂學校。其教職員。以教員爲重要。故有將宜組織改良教職會之舉云。（朱里伯）

### ●陝西高陵通遠方恭遊耶穌聖心略誌

本年陝西西安高陵通遠方總堂。初次迎耶穌

聖心。禮儀之隆。較之他大瞻禮尤甚。是以前日方濟各會修女。將大堂點綴一新。五光十色。輝煌奪目。祭臺上金花燦爛。燈燭輝煌。更爲美觀。欄杆空處。設置一小棹。上貢耶

近事 ... 教中新聞

蘇聖心像一尊。奇花異草。羅列兩行。儼然一小祭臺也。上有電燈三盞。各用異色燈泡。光線直射聖心像之上。光明無比。美麗難言。觀者莫不稱奇也。六月三十日。爲聖心月之末日。是日天氣清朗。勳風徐來。而不甚熱也。午前八句鐘。鐘聲洪洪。附近各堂信友與教外之人來瞻禮者。擁擠一堂。幾無容膝之地。旋由聖心大修院院長班錫尼司鐸。舉行大禮彌撒。以謝耶穌聖心。特別照顧本教區於患難之中也。彌撒畢。男教友整隊由堂出發。先有十字引導。後有聖體童子軍。皆着制服。胸前均帶聖心徽章。其後爲本處音樂隊奏樂。其聲婉轉清晰。悅耳可聽。又有聖心大修院修生十餘位。方濟各會修士六位。中西司鐸五位。白衣方巾。高唱辣丁詩歌。讚頌耶穌聖心。一字一珠。清揚婉轉。幾令聞而神遊雲漢。繼有本教區主教戴公。身披大敵衣。左右五六品。衣祭服。恭陪主教。緩步徐行。次有熱心教友六名。一律白衣。高舉耶穌聖心像者四人。左右扶持者二人。恭盡其職。敬畏匪常。不覺現於外表。誠能起人愛主之心。油然而生。再次有修女。引領女生多人。有持聖像者。有

舉聖旗者。有持革命軍旗者。高聲朗誦聖心禱文。末後女信友整隊隨行。周遊城郭。沿途唱經之聲。洋洋盈耳。是日外界人士多來觀禮。莫不嘆服公教欽崇天主之熱衷。是故有心研究宗教者。可以藉此認識真主。崇奉真教。與人救靈之道。有益匪淺鮮也。

(來稿)

### ●宜昌文都修院歡迎華籍司鐸並文

#### 藝會第一次開幕之經過

宜昌教區之華籍司鐸。於降臨瞻禮。同總堂避靜。文都修院院長龔公本仁。以諸鐸跋山涉水。救靈工作。刻無暇晷。且年來與共黨慶戰。經驗閱歷。必有以餉後生。五月廿八日。修院文藝會成立。特請鄧主教暨各司鐸蒞止。藉作熱烈之歡迎。立會宗旨。原欲文章器識。互相觀摩。其科目以國文。拉丁爲重。首由修生沈文韜報告開會程序。安祥盈致。歡迎詞。稿長不錄。繼則諸生依次。念成績。有理想者。有辨論者。有紀事者。有快諧者。有護衛正道者。有証明真理者。高談闊論。諸鐸喜形於色。同聲交讚。終由華籍司鐸臨時推舉代表。胡公鳴皋致答詞。莊嚴處。希望處。無不淋漓盡致。一往情深。

誠言語科人也。時鐘鳴十二。乃散會午餐云。 裴夢樓

### ●宜昌文都修院表賀教宗比約十一

#### 位晉鐸五旬金慶

伏以天開壽宇。瑞氣紛騰。人上春臺。祥風廣被。綸韶自九重而出。神恩頒遍寰中。金繩垂八極而遙。教澤長流宇內。睹風雲之際會。咸樹心旌。仰日月之光華。同殷尸禱。恭維我教宗。功昭乾健。德懋坤維。聖寵門開。喚進回頭浪子。宗基鞏固。覓來歸棧亡羊。接比約第十一神權。光生寶座。溯晉鐸歷五旬聖史。慶叶金期。羅萬國之奇珍。明堂點綴。萃五洲之方物。御苑鋪陳。蕩巍巍。歌洪範之九五。麟麟炳炳。進賀表者八千。小子等質等砒砒。村同樗櫟。穩植根基之地。恒依覆幬之天。全身沾雨露之滋。成器勉瑚璉之重。神情飛越。幾欲隨江淮河漢以來朝。禮儀多疏。愧未備瓊琳琅玕而貢獻。雀知報喜。律乏黃鐘。雞欲鳴晨。調非白雪。但藉誠懇之筆。聊書愛戴之詞。奉萬朶之神花。表一團之愛火。一年敬禮。期聖代造化廷釐。萬壽無疆。祝我后康強叶吉。情殷愛日。謹稽首於華諦岡宮。望切瞻雲。祈降福於文都修院。謹拜表以聞。

宜昌文都修院全體敬祝

●武昌總堂恭迎聖體紀

武昌教區年來賴

監牧艾公熱心籌措。教務甚稱發達。去歲聖體瞻禮。艾公爲光榮在阿斯第亞內之耶穌。及加增信友熱愛聖體之忱起見。曾舉行恭迎聖體大禮。當時頗極一時之盛。今歲聖體瞻禮。艾公因尙在巡閱所屬教務。本區崇正修院院長郭公。隨去歲成例。先期籌備一切。屆時堂內飾以頭等彩飾。堂外門首。高搭彩棚。教士住房。因爲恭迎聖體路綫。亦滿以紅綠各色綢綾紮飾。修院大場中。備祭台一座。祭台前。後所紮花彩。尤爲美麗絕倫。地下均鋪以紅綠花毯。以備降福時教友跪拜之用。聖堂之右。爲艾公所立之聖若瑟善功會。兼武昌育嬰總堂。內亦設祭台一座。祭台周圍。彩飾與名花爭艷。香氣拂人。沿聖體所經之路。均以綢布搭成彩架。是日八時。由郭公主祭大禮彌撒。本城外大堤口。（俗稱沙房）本堂陶公。及陽新縣姜祥山本堂時公五六品。聖方濟各會英文月報主筆紀公司禮。彌撒後。首由二修生前導。次爲本堂小學男童女童。次爲修生持苦

近事 · 教中新聞

像。裹以二蠟。次爲本堂文學中學學生持蠟隊。次爲仁愛會。及嘉辣會修女唱經班。次爲女童撒花隊。次爲修生擊鈴。及以吊爐獻香。後爲文學中學校長。及教職員舉天棚。郭公高擎聖體。輒時二公輔之。最後殿以男女教友。一路緩緩而行。鈴聲。修女唱經聲。教友誦經聲。雍穆逾恒。先經教士住房至修院。內供聖體。舉行聖體降福。教友皆恪恭領受降福。熱心異常。降福後。由教士住房外繞道。至育嬰堂。嬰堂降福畢。折回由聖堂大門。進堂舉行第三次聖體降福而散。至主日。城外大堤口堂亦舉行斯禮。堂內外花彩琳瑯。怡心悅目。教友來與禮者益多。堂內幾有人滿之患。由本堂陶公主禮。時公紀公副之。遊行秩序與總堂畧同。惟以庭院較小。僅於園中聖母洞前置祭台一座。備聖體降福。但教友之恭謹熱心。則不減總堂云。（斯篇早已草就。因事擱置忘寄。茲單前篇。連類憶及之。亟錄於此。以示武昌教務之一斑。諒不以明日黃花見笑也。）葉樹聲

●甯波草馬路初次恭迎聖體誌盛

六月二號。爲甯波草馬路初次恭迎聖體之慶日。是日也。天方

三百七十五

黎明。赫矣清秀之象。皎然白璧之形。出陽谷而露面。升咸池而擢秀。宇宙逞其嫵媚。萬物舒其鳧澡。早膳後。修生等開始工作。或紮花結彩。或懸旌掛旗。莫不自出心裁。各奏其長。設露天祭台於廣場正中。陳設清雅。擺列新奇。彬彬之景。不啻入一新世界矣。下午二句半。信友之齊集者。已達數百。咸欣欣然有喜色。熙熙然有裕容。鐘未三點。蟻附蜂擁而來者。更多於前。少長不齊。男女雜沓。舉袂成蔭。揮汗成雨。瞻觀歎美。道爲之塞。錶指三正鐘聲。噓噓。各人分成團體。排列於大修院路旁。未幾。主教捧聖體。緩步徐出。於是萬口肅靜。但聞經聲朗朗。一隊既過。一隊又踵。或默禱。或歌詠。元妙足以感人之情。精微足以動主之聽。安步莊嚴。風不揚塵。男信友及修士行於聖體之前。女信友及修女殿於聖體之後。環繞一匝。始於大修院場中。行聖體降福。既畢。卽向小修院進發。迴環曲折。始至小修院廣場中。復行聖體降福如前。終乃至小修院聖堂中。再行大禮降福。鐘鳴四點。全會告終。此次甯波空前起後之恭迎聖體。可謂吾甯波鮮花之第一朶。光榮之第一頁。俟後每年

繼行。各處繼行。直至有全國聖體大會。萬國聖體大會之出現。吾於此甯波之初次聖體大會。有厚望也。(沈鼎臣)

●狼山朝聖記畧 狼山爲南通佞佛之首地。每逢春日。匪特本縣居民。如顛若狂。焚香頂祝。卽鄰縣黎庶。若如若站。若泰。若海門。啟東等縣。莫不歡欣踴躍。聯袂偕來。每年消耗。殆以千萬計。我教之傳道斯土者。見左道旁門之惑衆。眞光之沉於黑暗也。心焉傷之。爰於山之北麓。購地數畝。鳩工集材。逾年而聖堂告竣。於是坍港(老三港昔有聖堂今已坍去)信友復得誦經跪禱之所。莫不稱其便。年屆聖母月開始之期。必有司鐸前往主祭。以揚慈母之懿德。而增教友之神火。慨負笈滬濱。未得一與其盛。引爲憾事。今養痾家居。得邀三兩知友。買轎而往。堂中花綵滿張。門外國旗招展。若慶賀聖母之盛德。歡迎教友之來堂者。天方破曉。袁彌司鐸。先行聖祭。領主者有百人之多。時通城通民。校之男學生百餘人。操服持旗鳴樂以進。分八字形立於堂門左右。俄而樂聲齊鳴。汽車疾馳而至。則邱總鐸。偕施縣長。蘇科長等至矣。九時行大禮彌

撒。總鐸主祭。袁鐸奏琴。雜以惟啞龍。湯黃。二鐸唱經。琴聲婉轉。歌音清越。聞者悅之。彌撒後。繼以聖體降福。十一時始得出堂。是日教友之前來致敬者。有四五百人之多。領主者約近二百。外教人之到堂觀望者。亦頗形踴躍。幾有人滿之患。午刻大譙政紳各界。到者除施縣長。蘇科長外。有狼山之公安局長。及紳士孫錦章等十餘人。惜朱主教以事在滬。如覺美中不足云。

(張仕明)

### ●台州海門教友歡迎三位新司鐸榮

#### 旋誌畧

溯自台州劃為胡主教代牧區以來。三稔已增五位司鐸。吾台州教區前途。已有厚望。今民國十八年夏。忽又加增三位新鐸。蘇公釋蒙。(其胞兄在溫州平陽縣為副本堂)林公若網。戴公若望。(其從兄在海門為聖心小學校長)三司鐸於寧波浙江總大修院。六年含英。三餘咀華。道德高尚。學識卓越。今卒業榮旋。為吾台教區。更增希望。歡迎一典。自不容已。於是海門傳信會會長及各教友等。除求三新司鐸獻五六品大禮彌撒降福外。於陽六月卅日。開歡迎大會。五光十色。點綴雅緻。

近事

教中新聞

歡迎之裝璜也。人山人海。比肩接踵。歡迎之來賓也。琴聲揣揣。誦聲朗朗。歡迎之歌頌也。其容蕩然。其聲鏗然。新鐸之答謝辭也。是會約歷二小時之久。至論開會秩序。井然如儀。後攝影。以示不忘。午刻設筵數十桌。以款來賓。已而鐘鳴二下。信友集堂。望新司鐸五六品大禮降福後。始各盡歡而散。記者躬與其盛。深幸梓里。又添三位司鐸。定於教務前途。大有裨益。爰忻然拉雜記之。以饗閱者。(來稿)

### ●江蘇海門主教公署行落成禮

本年六月二十三號

海門主教公署。行落成典禮。同時又開區總會成立大會。先期發出通告書。及開會秩序單兩紙。故七縣均有代表蒞會。惟如靖泰三縣教友。人數稀少。未能單獨立會。因而附於南通區內。各總堂進行會職員簽到者。共四十四人。神長班除朱主教張監理司鐸外。有黃若黃斐。邱襄等總鐸。暨各本鐸計共十六位。是日晨七下二刻。主教行五六品唱經彌撒。彌撒畢。已鐘鳴九下二刻。始振鈴開會。會場設在錫類中學禮堂。茲將開會情形報告如下。(一)振鈴開會。(二)向聖心像誦禱。(三)張監理司鐸

三百七十七

報告開會宗旨及解釋會章。(四)討論正會長產生問題。(結果正會長由主教任命顧鼎三先生。秘書由正會長委任盛伯英君。其餘各職員均用票選法。結果選出副會長茅友仁先生。會計黃自強先生。評議員海門徐耀文。范欽棠兩君。南通馬邦富。沈靜山兩君。啟東陸品芝。朱英才兩君。崇明董玉書。黃寶瑜兩君。每縣有兩人以示公允。)(五)職員就職。提議事項議決事案。(六)虔誦天主經聖母經。(七)振鈴閉會。時已十二下矣。遂集飯堂中餐畢。魚貫入堂。公拜聖體。後集在新建公署前。列成東西一長行。攝影紀念。盡歡而散云。

(來稿)

### ●宜昌聖母堂之百歲老人

宜昌聖母堂

(即聖方濟各白衣傳教會修道院)成立女養老院已數十年矣。其中咸屬無依靠之孤人。若壽慶古稀者。已數見不鮮。該院有壽臻百歲之老婦。其職務為照料雞鴨。每晨能親至祭台前恭領聖體。其康健可見一斑矣。問其姓氏。則云陳始。東湖縣人。(宜昌府首縣)來斯院已不記其年數矣。嗚呼。世道衰微。人心險詐。以致天壽者多。而老人竟

壽百齡。且能目明耳聰。供其職務。謂為近世之人瑞者。非歟。當斯干戈擾攘之年。能得受供養於該院。俾身靈兩受其益。則老人之所以能終天年。又未始非該院之力也。本年七月十日。益世小學第三部行散學禮。開展覽會。來賓於展覽成績之餘。更觀人瑞。或予銀元。或予銅幣。而表其敬老之意。復聞李與順總鐸。田君禮元。智元。將為之提倡贈衣物。獻祭禮。以當稱觴祝嘏云。

(夢樓)

### ●兩湖總修院復成立於漢口之經過

兩湖總修院。自武昌創辦以來。迄今未逾九載。而竟三徙其居。風雨飄搖。幾有一蹶不可復振之象。不料事從逆境。功自苦中建。而總修院能遽然復現於漢口者。即從此盤根錯節中來也。當共黨猖獗時。總修院在荊州。自行解散。(其中情形前已登諸報。茲不贅述)兩湖主教。怵於艱阻。即願停辦。一俟平靜。再定行止。但總主教剛公以培養修道人才。事乃孔急。光復修院。刻不容緩。因此通電漢口主教希公。命其妥擇地點。以為總修院永久之基礎。希公欣體上意。乃選定所屬聖依搦斯女學。遂於一九二八

年第二次成立。今日之兩湖總修院位置。居漢口玉帶門火車站之北。地勢軒敞。室宇壯麗。一切設備。較武昌荆州。有過之無不及也。至於院中之規則。課程。大體已漸就完善。總主教曾通電兩湖主教。命遣修生前來攻讀。於是各教區之修生聞命而來者。共有八教區之多。諸同學相違已久。一旦重聚一堂。快慰何似。且曩昔賞奇質疑。切磋觀摩之情。又不難得之於今日。是皆總修院復成立之所賜也。惟人世滄桑。遷移莫測。風雲變幻。更非所料。至望全能天主暗中扶佑。俾此兩湖總修院。日見發達。使修生於德學兩途。均得美滿之效果。庶不負我總主教之殷望。及各位主教之栽培。則幸甚矣。

(才居先)

### ●漢口兩湖總修院慶祝希主教瞻禮

誌盛 本年七月十八。為主教希公主保良辰。本修院以希公對此修院。有特別之關心。有特別之注意。故有特別的籌備。以及特別的慶賀。為表現特別的感情。瞻禮前數日。院長萬公。遣派神學修士三名。親詣總堂。請主教於瞻禮前日。蒞院受賀。蓋恐瞻禮日。以教民雜沓。不便申

賀。而主教見修士來請。忻然允諾。院長已於前數日。令備辦花彩鞭爆。及一切裝飾賀儀。品。并分派點綴書畫各職員。於是有做花者。結彩者。畫圖者。演歌者。修詞章者。備演說者。一申號令。各事其事。無或推委者。及期。天光晴藍。綠樹依依。亦若歡迎主教希公。親臨者。稍待。鐘鳴十一日。近午。天。諸生羣集遙望。忽聞汽笛數聲。如飛而來。則主教希公及數司鐸乘總堂汽車。已臨修院門矣。院內一時鞭爆轟轟。聲震雲霄。陪送諸鐸。侍主教下車。而情觸五中。道貌可親。可悅之院長。及諸神職教員。疾步而前。親主教權。然後導之客廳。少叙寒暄。修生乃派代表。親接主教於花裝禮堂。其時爆聲復發。風琴齊聲而作。諸生齊集於內。既而主教及諸陪禮司鐸而入。挨次而坐。徐徐而進。主教溫茶和藹。喜容可掬。升寶座而受賀焉。諸生正立。行三鞠躬禮。先演說詞。次進練丁賀詞。再進中文賀章。茲不便一一登載。惟將演說大綱。畧誌於後。以表希公。對本修院特別關心。特別注意之實在情形。其演說詞曰。今日欣逢大人主保榮辰。我輩學生。恭申慶賀。一則為表現我們感恩的

近事

教中新聞

心情。二則爲發揚主教偉大的勳功。但是要更明細的表白出來。則可分作三個時期來講解了。就是過去的時期。現在的時期。和將來的時期。第一。畧謂。主教未到中國的前。即有一腔救我中國同胞的熱血。因此不畏風濤寇患。不辭異方逆俗。數千里外。來我中國。爲滿足吾主教贖的工作。既來中國的以後。跋山涉水。沐雨櫛風。一而陝西。又而山西。再而湖北漢口。本着一服千秋不老之精神。存着一番爲主致命的犧牲。處處襄理教務。方方化導愚民。從這已過的時期方面講來。在主教今日受賀的日子。是極應當的。第二。畧謂。現在主教對於中國教務的熱心。更加激烈。今日我輩不演主教對於普通教友的工作。單說主教對於本修院。所費過的心血。所受的勞苦。所顯過的愛情。所有過的希望。已令我輩言之不盡。講之不完了。乃由修院如何創始。如何遷居。如何被土匪搶劫。如何被共黨蹂躪。如何解散。如何恢復。（已見前雜誌）既恢復後。如何選擇地址。如何聘請教員。如何操心。如何費力。一切可驚可駭。可悲可慘。可歎可笑之情形。無不發揮盡淨。從這第二時期方面看來。更顯主教對於本修院特別的關了心。注了意。第三。畧謂。在這將來時期上要講的。就是主教一個重大的責任。和一個重大的希望。責任呢。就是代表湖北湖南兩省共九區（漢口、武昌、漢陽、宜昌、老河口、蒲圻、長沙、常德、永州）主教的教權。管理權等。希望呢。就是拿聖經上說的。『穡事多而工人少』的那話來作座右銘。打量主教每每念到這一句話的當兒。沒有不愛火心焚似的。趕緊去辦那工人的工作了。由這以上三時期方面思想。那末。就約一刻鐘之久。正演至。恭祝主教萬歲。萬萬歲。之時。衆人一齊鼓掌。歡聲雷動。幾疑存身霹靂間矣。頌詞畢。風琴雅奏。鏗鏗然。半入江風。半入浮雲。悅耳動聽。而音樂隊。迭唱慶祝歌。熙熙然。和而婉。曲而工。美哉。歌主教之大工歟。和音班繼唱不絕。此時掌聲又復大作。而風琴聲。歌唱聲。歡呼聲。鼓掌聲。不絕於耳。歌畢。主教起立致答謝詞。大意謂。今日你們這番特別熱鬧的表現。實在出我意料之外。在你們賀詞中。所稱揚的話語。我



真敢當不起。不過你們有這好的表示。實令我心喜不致勝。至言操心費力的一節。那也是我分內應盡的義務。對於你們修院。不但本主教現在的為你們操心。即已過的。將來的。亦莫不一樣關心的。因為造就你們神職班的修院。是傳教的基础。是傳教工作的第一手著。特別的是當今可親愛教皇。大代表剛總主教。亦未嘗不大注意而特注意這種栽培人材的總機關。所以你們必須認真的修德求學。因這兩種是我們傳教缺一不可的要素等。能如是則你們的目的可達。聖教會的希望可滿。我為你們些微的勞瘁也值當的了。答詞畢。舉手降福。後借諸司鐸用午膳。眾人歡然而散。（本院生李瑪爾谷）

### 教育新聞

凡各學校一切立案的經過與立案後辦事的手續本社歡迎公佈

### 宜昌益世小學校第三部成績展覽

會誌盛 宜昌聖方濟各白衣傳教會修道所開之

閩範女校。自今春改組為宜昌益世小學第三部備案後。

近事 教育新聞

各職員益加奮勉。學生亦各存競爭心。以致成績斐然。茲於七月十日行散學禮。開成績展覽會。宴請本埠教育行政長官。期發揚本校精神。事先籌備頗形忙碌。紮彩由學生曹蕓成。魯少文。胡雲嵐。陳慶華。盧品秀。分班擔任。排佈禮堂。及手工試卷圖畫各成績室。大門外黨國旗交叉。入內沿途製有極精美之歡迎標語。各成績室門。均圍松柏。惟手工成績室門。有柏枝繞成。「錦繡堆」三字。匾額一方。「機杼織成萬丈。鴛鴦繡出千章」聯一幅。內有「學足三餘」。「精益求精」字塊八方。「女胞們要得真正的自由。真正的平等。必先求濟經獨立。要想經濟獨立。不可不注重實學與實業。」橫幅標語字。均五彩紙末堆成。「禮堂」二字。係棉花製成。柏枝繞之。禮堂正中。懸大花球。係魯少文手製。精美絕倫。更為生色。據參觀者之評論。刺繡有鄧淑莪。馮汝珍。圖畫有施玉青。邱玉珍。胡雲嵐。盧品秀。鄧淑莪。彭嗣淨。縫紉有魯少文。曹蕓成。梁瑞芝。彭嗣淨。試卷有梁瑞芝。陳慶華。魯少文。均屬佼佼。（更出色者。即學生鄧淑莪。用郵票貼成之人物。勢天然繪工不啻。

故咸則稱羨云。計到會者。有宜昌教育局賈局長。何股長。李股員。公安局王科員。及商會職員各輪船公司要人。各家長。本校各董事。本校第一部第二部全體職員。全體學生。約三四百人。極一時車如流水。馬如龍之盛。自午前八時起。來賓自由參觀。男賓由男教員招待。女賓由學生招待員招待。十一時賈局長。何股長。李股員蒞至。稍憩。即赴宴。宴後開會。推校長李奧頤總鐸爲主席。報告開會宗旨及經過。學生劉桂馨。致歡迎詞。會如儀。訓詞中賈局長稱成績爲宜昌女校之冠。當竭力宣揚。又云貴校命名益世。原期有益於世界。今於試辦期。卽具有如許可驚可駭。出人意料之成績。增宜昌學界之光。是有益於宜昌矣。繼辦一二年必能有益於湖北。推之有益於中國。有益於東亞。有益於世界。目的不難達也。生等勉乎哉云云。嗣後股長股員董事會家長訓育主任。及第一部第二部均有演說。亦無非極口誇獎。本部由學生彭嗣淨致答謝詞。(詞長均不錄)繼請局長發獎。唱散學歌。散會局長臨行許以題字懸之校壁。以資鼓勵。而作紀念。如是則斯會爲不

朽矣。

### 海門大洪鎮聖母堂海星女校添設

#### 師範科概況

海門自傳教區成立後。朱主教

卽以興辦教育爲急務。除海門添設中學外。又實事振興海星女校。特委龔公依納爵爲海星女學校校長。龔公視事以來。對於校務力圖刷新。不遺餘力。見原有校舍不敷分配。因大興土木。先行建造新校舍二十餘間。爲石安男子部小學之用。將石安小學原有校舍。讓與海星女校。一切規畫無不合度。凡所措置。莫不井井有條。際茲潮流所趨。男女平權。女子非受同等教育。安能立足於社會。回顧吾公教中女師。人才缺乏。而海星女校原係高小程度畢業後。其學力不足以適教授之用。故特創辦女子師範科。於本年秋季始業。目下正從事於招考新生矣。凡高小畢業。或有同等程度者。皆可來學。使有志求學者。無向隅之憾。暫訂三年畢業。添聘男教員三位。凡師範科目。無不應有盡有。俾畢業後。執鞭教界。啟迪羣蒙。以冀有造於社會裨益於公教。此海星女子師範之所由設焉。(來稿)

中外大事表(凡事發生之日多以載於各報者為憑)

七月廿一日 國府因外交嚴重禁止長官離京 招商局  
 新康輪在山東角被日輪撞沉 德使回平辦理保護  
 俄僑事宜  
 廿二日 蔣在國府紀念週報告中俄並未接觸擬貫澈和  
 平 京訊蘇俄聲明不願對我宣戰 中英案在京  
 續議 中法會議在京續開  
 廿三日 京電中俄形勢自廿二日起漸轉圓 第二編遣  
 會議在京開籌備會 鹿鍾麟薛篤弼由滬赴京 張  
 作相離滬過長春與駐哈俄領事會晤 英人科學提  
 倡會正式舉行大會  
 廿四日 國府任命閻為西北邊防司令長官閻事辭  
 非戰公約本日起發生效力 平津俄員出境護照  
 已發給 駐哈俄領事回國 駐俄代辦夏維松下旗  
 往芬蘭  
 廿五日 王正廷否認四國調停說 編遣會實施會議通  
 過規則 閣電請二三集遣散費 中法在滬開越約  
 會議大體解決  
 廿六日 王正廷返京稱中俄事無變化 朱紹陽本日北  
 上赴哈 太原總部決議結果 二集將領劉郁芬等  
 為俄事自西安通電 滿洲里紅白俄衝突 法使瑪  
 泰爾由滬乘艦北上越約除通過稅外已定  
 廿七日 編遣會開籌備會 張繼李鳴鐘到京謁蔣  
 外王借周龍光謁蔣商俄事 日本東京強烈地震  
 各國搜查共產黨嚴防八一之影響 外部電哈爾濱交涉  
 廿八日 哈電滿洲里綏芬均平靜 外部電哈爾濱交涉  
 員蔡運升查詢滿洲里俄軍開砲損失 唐生智劉鎮

華朱綬光周玘由平赴京出席編遣大會  
 廿九日 蔡運升由瀋陽到哈赴滿洲里 編遣預備會議  
 決軍額依原議 津東大雨倒屋千餘間  
 卅日 蔡運升李紹庚到滿洲里赴俄境八六號晤梅尼可  
 夫 編遣預備會開第八次大會 鹿鍾麟薛篤弼熊  
 斌唐悅良到京 王正廷電馬慕瑞賀非戰公約成功  
 遺 蔣召鹿鍾麟熊式輝唐生智何鍵何應欽等會商編  
 遣 上海華租界嚴防八一暴動 瑞典答覆願改訂  
 中瑞商約  
 卅一日 中政會准李濟琛恢復自由 上海法租界連日  
 獲共產黨嫌疑犯三百人  
 八月一日 編遣實施會議開會蔣主席致開會詞 八一  
 日各地平安未發生紛擾  
 二日 中俄交涉現仍在接洽期間蔡運升接洽結果俄表  
 示雙方撤兵但俄軍仍有增防舉動 編遣會開二次  
 大會通過編遣區修正等三案 閻錫山允任西北邊  
 防司令長官 英俄復交決裂駐法俄使已回巴黎  
 三日 中俄交涉又轉緊張加拉罕有拒絕開議說 駐伯  
 力劉領事已歸抵黑河被扣商船中老弱乘客亦先放  
 回 編遣實施會議三日上午四次大會通過陸軍編  
 遣制原則軍官佐退役俸及給與規則等各案 立法  
 院會議通過軍役案  
 四日 王外長接蔡運升電五日仍在滿洲里舉行三次會  
 晤中俄直接談判可能性依然存在 編遣會議議決  
 對現有各軍隊兵額概留三裁七 永定河水已漲至  
 二丈六尺如漲至三尺平津皆可危 上海臨時法院

近事... 中外大事表

近事 中外大事表

五 院長何世偵辭職 各國代表會議賠款問題  
 五日蔡運升電奉令否認俄方先決條件已正式提出梅  
 領接受後向莫斯科請示 張學良電告綏站附近俄  
 軍有增兵築壕發砲開鎗等軍事行動 北平西山玉  
 皇頂山峯崩裂毀醫院一所未傷人 財長宋子文辭  
 職來滬  
 六 日國府因俄對我交涉故事要挾特電簽字非戰條約  
 各國表明態度 編遣實施會議行閉幕禮發表宣言  
 行政院會議議決請政府派大員勸朱毛又北大學  
 院改名北京大學海牙賠款會議開幕 英埃條約建  
 議已發表  
 七 日俄人圖謀毀中東路施用種種砲壞手段 北寧路  
 線水災甚鉅有數處路被沖斷 賠款會開秘密會議  
 八 日俄方代表有派定色列布利雅尼可夫說被扣留之  
 商船乘客及伯力劉領事均放回歸國 張學良電白  
 俄黨人近在遼寧活動已嚴密防範 魯境劉莊冀境  
 黃莊黃河相繼決口此外永定北運河遼河洋河松花  
 江同時漫溢成災 上海電氣處簽字成交  
 九 日蘇俄無誠意交涉停頓 俄騎兵入我國境游行我  
 方亦戒備邊境形勢緊張 上海工部局派武裝巡捕  
 督工在吳淞路越界築路經公安局派兵制止  
 十日閻錫山辭晉省府主席照准任命商震為山西省主  
 席 徐永昌為河北省主席 朱紹陽警告俄軍挑釁  
 行動如激生事端應由俄方負責 俄軍發砲示威邊  
 境形勢緊急  
 十一 日中俄交涉形勢漸見轉機 蔡運升接加拉罕電  
 對派代表會議同情 編遣公債將續發五千萬 唐  
 紹儀赴粵就模範縣長 六國賠款會議勢成僵局  
 十二 日俄軍入我國境發砲開鎗雙方衝突二小時我方

軍士有死傷 張學良電告俄軍多方挑釁我方仍持  
 鎮靜態度王外長談話將開外交委員會討論對俄  
 及撤消領判權問題  
 十三 日中俄前哨軍降 又發生衝突外交界訊未證實  
 宋財長返京復職 上海臨時法院院長何世偵准辭  
 職以吳經熊暫代 東京地下鐵道陷沒  
 十四 日蔣主席與各要人議對俄事仍照豫定方針進行  
 俄軍破壞和平強佔滿洲里附近開爾屯並攻擊綏  
 東又向我軍艦開砲利濟等三艦受微傷 日本駐滬  
 總領事改設二人  
 十五 日朱紹陽等離滿洲里返哈爾濱中俄電話亦斷交  
 涉完全停頓 俄軍東西兩路均向我挑釁滿洲站西  
 面高地發生衝突 財部議決發行編遣庫券七千萬  
 十六 日外部以俄軍侵我邊境電駐德使請德政府代  
 向蘇聯政府提出質問 國務會議決議任伍朝樞蔣  
 作賓高魯為中國出席國際聯盟代表 海牙賠款會  
 議勢將決裂 國際廣告大會閉幕  
 十七 日滿洲里附近俄軍處處侵擾砲隊開砲我軍民死  
 十餘人 我國對非戰公約各國發出聲明蘇俄  
 開釁之責 東省調兵十萬在綏芬布防  
 十八 日札蘭爾仍有衝突遼軍決定全體出動 蔣主席  
 派員至湯山迎李濟遷居城內  
 十九 日俄軍攻陷我東寧俄大肆劫掠現經我軍克復  
 札蘭爾爾方面俄軍又來犯經我軍擊退擄獲數十人  
 二十 日伍朝樞訪美國務卿汪榮寶訪日外務省均聲明  
 俄國侵擾情形 綏芬哈爾濱間電話不通 行政院  
 會議決朱紹光任軍政部長 立法院會議通過編  
 遣庫券條例英美密商裁軍問題  
 民國十八年九月 南京主教姚准

十月是玫瑰聖月。應用聖書。以供信友輩。更能伸出敬愛聖母玫瑰之心。

### N° 329 亞物演義

內容有許多聖人聖女敬禮聖母的事蹟。並有許多趣味的古事。此書即耶穌會李問漁司鐸用官語譯成。原著者是聖利高烈共有九十頁。定價大洋九分。

### N° 333 玫瑰經義

分上下二卷。上卷論經之緣起。本義。誦法。益效。下卷將奧蹟十五端。分爲三十日默想。有十五幅圖像。排列其中。用簡易文詞。詳解經義。頁數二百十七。耶穌會李問漁神父編著。每本大洋一角六分。

### N° 496 聖母玫瑰九日敬禮縮本

述出玫瑰會大赦總錄。及九日內所誦之經文。當守之條例。書本甚小。攜帶極便。價亦甚廉。共有五十一頁。

大洋二分半。

### N° 530 玫瑰經註解

耶穌會管遜淵神父。講玫瑰經的二樣好法子。  
(一) 用簡易文詞講經。是一句一句的講出來。  
(二) 用平常土話。詳出其意。

每本四分半。

### N° 448 聖母玫瑰經十五端

書小價廉。共二十二頁。即耶穌會費奇觀神父所編輯。

大洋一分。

### N° 334 玫瑰經淺義

其中每節與蹟。有一幅五彩圖像佈置。並用簡易文法。詳解經意。共有二十一頁。大洋二分。

### N° 358 聖母玫瑰會要旨

共有九條。及玫瑰串經五條。

每十張大洋二分。

凡購書者郵費外加

April 1939

上海土山灣印書館 TYPOGRAPHIA T'OU SE WE CHANG-HAI

726 李司鐸譯者 **通史輯覽** 第四版, 定價 大洋八角

728 M KENNELLY, S.J. **OUTLINES OF UNIVERSAL HISTORY.**

2nd edition Price \$ 1 20.

727 C VANARA, S.J. **MÉMENTO D'HISTOIRE GÉNÉRALE.**

2<sup>e</sup> édition Prix \$ 1 20

727 EDITION FRANÇAISE

728 ENGLISH EDITION

726 中國版

‘Compose spécialement pour les étudiants chinois, ce manuel, au lieu d’insister, en ce qui concerne les peuples d’Occident, sur des détails inutiles aux élèves visés, donne à l’histoire de l’Extrême Orient plus de développements qu’on n’en trouve d’ordinaire dans les manuels européens.’ (J L)

Nombreuses illustrations.

‘This book is intended for Chinese students, & for this reason there are numerous Chinese characters scattered up & down the page. For this reason, too, there is a summary of Chinese & Japanese history in addition to that of the rest of the world

(Shanghai Mercury)

Profusely illustrated

生  
而  
作。  
附  
有  
圖  
畫  
甚  
多

此  
書  
係  
為  
學  
習  
歷  
史  
之  
中  
國  
學

年各學校紛紛函來購買，無如所印不多，不能應副各方面之雅意；本社欲善與人同之心，又不得實踐，深為抱歉。此書為教友可作辯護真教之用，為教外人可作研究宗教之需，誠為青年士女，不能不讀之書。現已用上等道林紙印成，近四百頁，可向土山灣訂購可也。

●本社重要啟事

本社所編之全國教務統計，已經出版。今又擬將全國傳教區之歷史，詳加調查，匯刊成冊，為將來中國聖教歷史之資料。惟茲事體大，非各教區自編不能。爰請各區神長，將教區之成立，發展，組織等種種事情，繕寫成篇，惠寄本社，不勝榮幸之至。語言不論中西，能以辣丁文為上乘；可由本

社代譯。事關中國傳教歷史，想諸位神長有以玉成本社之志也，特此預謝。

◎聖教雜誌叢刊

- |             |     |
|-------------|-----|
| 八十年來之江南傳教史  | 六分半 |
| 天主教傳入中國概觀   | 八分  |
| 我之改奉天主教小史   | 一角  |
| 耶教畢大爾夫人歸正自述 | 三角半 |
| 國家真詮        | 六分  |
| 非非基督教       | 六分  |
| 婦女問題        | 八分  |
| 社會問題        | 六分  |
| 勞工問題        | 五分  |
| 社會主義鳥瞰      | 七分  |
| 蘇維埃俄羅斯之觀察   | 八分  |
| 教育之原理       | 八分  |
| 明末清初灌輸西學之偉人 | 八分  |

### ●中華公教青年會啟事

謹啓者：中華公教青年會係純粹公教團體，毫不涉及政治。宗旨是一衛護青年之信德，增益青年之知識，養成聖教及社會之人才，於是妥善啓迪青年爲公教之進行。一總部會址在北平迺府甲六號，會章由中華公教教育聯合會擬定，呈請宗座代表剛大主教核准。籌備經年，總部於今年聖神降臨瞻禮日（五月十九日）宣告成立。是日在本會會場開成立大會，儀禮隆重。參與大典者有宗座代表剛大主教及其他主教神父，公教團體代表五百餘人，當蒙剛大主教訓勉有加。

目下總部有宗座代表委任之總理司鐸雍守正，監理司鐸李道南，及各教區主教委派之代表十五人（北平田永年，天津

劉鴻謙，河北宣化桂性存，正定安濟仁，蠡區周景襄，江西餘干徐景賢，湖南辰谿張報忠，北滿鄭峻嶺，熱河艾公愈，上海李沂，山東濟南姜萬章，兗州劉德雨，廣州鄭保峻，輔仁大學特別支部陳學謙，浙江寧波陳祥春。公選陳學謙爲本會正會長，徐景賢爲本會副會長，分文牘、會計、組織調查、宣傳、教育六部辦事，不敢少懈。惟同人等年輕識淺，心餘力拙，耿耿愚衷，切望國內外公教青年，仰體當今教宗懷愛青年之心，及其代表剛大主教屬望吾儕之殷，立時奮起，組織支分部，協力同心，廣揚聖教，尤希我可敬可愛之各地神長、會長及其他賢達諸公，力予提倡，時賜南針，則本會幸甚！中華公教幸甚！肅此奉聞，敬候明教。

中華公教青年會總部謹啓 十八年六月